

*BOSNA I HERCEGOVINA*  
*TUŽILAŠTVO BOSNE I HERCEGOVINE*

*INFORMACIJA O RADU ZA 2013. GODINU*



*Kraljice Jelene 88*  
*Sarajevo*  
*Tel: +387 33 707 200*  
*Fax: +387 33 707 463*  
*E-mail: [info@tuzilastvobih.gov.ba](mailto:info@tuzilastvobih.gov.ba)*

## **SADRŽAJ**

<i>1. UVOD</i> .....	4
<i>1.1. OSNOVNE INFORMACIJE</i> .....	4
<i>1.2. OSNOV ZA IZRADU INFORMACIJE</i> .....	4
<i>1.3. UNUTRAŠNJA ORGANIZACIJA</i> .....	5
<i>1.3.1. NORMATIVNI OKVIR</i> .....	5
<i>1.3.2. RUKOVODSTVO</i> .....	6
<i>1.3.3. TUŽILAČKI ODJELI</i> .....	7
<i>1.3.4. UPRAVA TUŽILAŠTVA</i> .....	8
<i>1.4. PODRŠKA UREDA REGISTRARA</i> .....	8
<i>1.5. OZNAKE UPISNIKA</i> .....	9
<i>2. ODJELI TUŽILAŠTVA BOSNE I HERCEGOVINE</i> .....	10
<i>2.1. POSEBNI ODJEL ZA RATNE ZLOČINE (ODJEL I)</i> .....	10
<i>2.1.1 ORGANIZACIJA POSEBNOG ODJELA ZA RATNE ZLOČINE</i> .....	10
<i>2.1.2. KADROVSKA STRUKTURA POSEBNOG ODJELA ZA RATNE ZLOČINE</i> .....	11
<i>2.1.3. RAD NA PREDMETIMA</i> .....	13
<i>2.1.4. SPECIFIČNOSTI POSEBNOG ODJELA ZA RATNE ZLOČINE</i> .....	17
<i>2.1.5. PROBLEMI U RADU POSEBNOG ODJELA ZA RATNE ZLOČINE</i> .....	24
<i>2.2. POSEBNI ODJEL ZA ORGANIZIRANI KRIMINAL, PRIVREDNI KRIMINAL I KORUPCIJU (ODJEL II)</i> .....	26
<i>2.2.1. STRUKTURA KRIVIČNIH DJELA U PREDMETIMA ODJELA II</i> .....	29
<i>2.2.2. PROBLEMI U RADU ODJELA II</i> .....	34
<i>2.3. ODJEL III</i> .....	35
<i>2.3.1. KADROVSKA STRUKTURA ODJELA III</i> .....	35
<i>2.3.2. RASPODJELA PREDMETA U ODJELU III</i> .....	36
<i>2.3.3. AKTIVNOSTI U PREDMETIMA PRUŽANJA MEĐUNARODNE PRAVNE POMOĆI</i> ....	38
<i>2.3.4. ZAPRIMLJENI PREDMETI, PREDMETI U RADU, KAO I OKONČANI PREDMETI ODJELA III</i> .....	39
<i>2.3.5. OSTALE AKTIVNOSTI</i> .....	45
<i>2.3.6. PROBLEMI U RADU ODJELA III</i> .....	45
<i>3. UKUPAN RAD TUŽILAŠTVA BOSNE I HERCEGOVINE U PREDMETIMA U ODNOSU NA POZNATE POČINIOCE KRIVIČNIH DJELA</i> .....	47
<i>4. OSTVARIVANJE FUNKCIJE TUŽILAŠTVA KROZ DRUGE AKTIVNOSTI</i> .....	54

## INFORMACIJA O RADU 2013

4.1. UVOD .....	54
4.2. RAD UPRAVE TUŽILAŠTVA .....	54
4.2.1. SPECIFIČNE AKTIVNOSTI KABINETA GLAVNOG TUŽIOCA .....	55
4.3. UČEŠĆE TUŽILAŠTVA BiH NA SASTANCIMA KOORDINACIJE DIREKTORA POLICIJSKIH AGENCIJA I GLAVNOG TUŽIOCA BiH .....	56
4.4. SARADNJA SA POLICIJSKIM INSTITUCIJAMA I AGENCIJAMA ZA PROVOĐENJE ZAKONA .....	58
4.5. RAD OPERATIVNE GRUPE ZA BORBU PROTIV TERORIZMA .....	60
4.6. RAD UDARNE GRUPE ZA BORBU PROTIV TRGOVINE LJUDIMA I ORGANIZOVANE ILEGALNE IMIGRACIJE .....	63
4.7. ODNOSI S JAVNOŠĆU .....	65
4.8. EDUKACIJA TUŽILACA I STRUČNOG OSOBLJA TUŽILAŠTVA BiH U 2013. GODINI .....	67
5. FINANSIJSKI IZVJEŠTAJ ZA 2013. GODINU .....	72
6. PROBLEMI KOJI OTEŽAVAJU RAD .....	77
7. SMJERNICE ZA UNAPREĐENJE RADA U NAREDNOM PERIODU .....	79
8. STANJE KRIMINALITETA U BOSNI I HERCEGOVINI .....	82

## **1. UVOD**

### **1.1. OSNOVNE INFORMACIJE**

*Tužilaštvo Bosne i Hercegovine ( u daljem tekstu Tužilaštvo) djeluje samostalno kao poseban organ Bosne i Hercegovine. Osnovano je Zakonom o Tužilaštvu Bosne i Hercegovine („Službeni glasnik Bosne i Hercegovine", broj 24/02, 3/03, 37/03, 42/03, 9/04, 35/04, 61/04 i 97/09), kojim se regulišu osnovni principi poslovanja, nadležnost, kao i osnovi unutrašnje organizacije ove institucije. Tužilaštvo je otpočelo sa radom 27. 01. 2003. godine.*

*Glavni tužilac Tužilaštva predstavlja Tužilaštvo i rukovodi njegovim radom.*

*Tužilaštvo je nadležno za provođenje istraga za krivična djela za koja je nadležan Sud Bosne i Hercegovine, te za gonjenje počinitelaca pred navedenim Sudom, u skladu sa Zakonom o krivičnom postupku Bosne i Hercegovine i drugim primjenjivim zakonima. Osim navedenog, Tužilaštvo je nadležno za primanje zahtjeva za međunarodnu pravnu pomoć u krivičnim stvarima, u skladu sa zakonima, multilateralnim i bilateralnim sporazumima i konvencijama, uključujući i zahtjeve za izručenje ili predaju traženih lica od strane sudova ili organa na teritoriji Bosne i Hercegovine i drugih država, odnosno međunarodnih sudova ili tribunala.*

*Posebni odjeli Tužilaštva, između ostalog, preduzimaju zakonom određene mjere za ispitivanje i gonjenje počinitelaca krivičnih djela ratnih zločina, organiziranog kriminala, privrednog kriminala i korupcije, kada je za ta djela predviđena nadležnost Suda Bosne i Hercegovine.*

*Sjedište Tužilaštva je u Sarajevu.*

### **1.2. OSNOV ZA IZRADU INFORMACIJE**

*U skladu sa članom 13. Zakona o Tužilaštvu Bosne i Hercegovine, Tužilaštvo na godišnjem nivou sačinjava statističke preglede svojih aktivnosti i izvještava javnost i Parlamentarnu skupštinu Bosne i Hercegovine o stanju kriminaliteta u državi, te na osnovu iskustava u radu, predlaže zakonske reforme.*

*Prema članu 10. istog Zakona, Tužilaštvo ima pravo i dužnost da, na svoju inicijativu ili na zahtjev, izvještava organe Bosne i Hercegovine o svom radu i primjeni zakona.*

*Osim navedenog, a na osnovu člana 11. stava 1. Zakona o Tužilaštvu Bosne i Hercegovine, Tužilaštvo obavještava javnost o pojavama i problemima od opšteg značaja koje je zapazilo u svom radu, putem sredstava javnog informisanja ili na drugi način.*

*U skladu sa naprijed iznesenim, Informacija o radu Tužilaštva BiH za 2013. godinu sadrži pregled aktivnosti ove institucije poduzetih i realiziranih u navedenom periodu, sa posebnim osvrtom na uočene probleme i pojave od značaja u radu.*

## **1.3. UNUTRAŠNJA ORGANIZACIJA**

### **1.3.1. NORMATIVNI OKVIR**

*Osnovi unutrašnje organizacije Tužilaštva propisani su Zakonom o Tužilaštvu Bosne i Hercegovine. Unutrašnja organizacija Tužilaštva detaljno je uređena Pravilnikom o unutrašnjoj organizaciji Tužilaštva Bosne i Hercegovine koji je donesen dana 31. 03. 2010. godine („Službeni glasnik BiH“ broj 31/10), a stupio na snagu dana 28. 04. 2010. godine.*

*Pravilnikom o izmjenama Pravilnika o unutrašnjoj organizaciji Tužilaštva BiH od 13. 12. 2011. godine („Službeni glasnik BiH“ broj 104/11), izvršena je manja korekcija navedenog Pravilnika, a kako su se u periodu od stupanja na snagu Pravilnika o unutrašnjoj organizaciji Tužilaštva događale razne promjene, iste su direktno ili indirektno dovele do potrebe za znatnijim izmjenama i dopunama istoga kako bi sadržavao rješenja neophodna za provođenje niza procesa otvorenih u navedenom periodu. U prvom redu, radilo se o omogućavanju procesa zamjene međunarodnog osoblja domaćim, prilagođavanja postojeće sistematizacije osoblja povećanom broju tužilaca, te realizaciji obaveza koje je Tužilaštvo preuzelo Državnom strategijom za rad na predmetima ratnih zločina, Akcionim planom Nadzornog tijela za praćenje provođenja navedene Strategije, te Srednjoročnim razvojnim planom institucija Suda i Tužilaštva BiH.*

*S tim u vezi, dana 06. 09. 2012. godine, donesen je Pravilnik o izmjenama i dopunama Pravilnika o unutrašnjoj organizaciji Tužilaštva Bosne i Hercegovine („Službeni glasnik BiH“, broj 83/12), a koji je stupio na snagu 30. 10. 2012. godine.*

*Dana 23. 04. 2013. godine, glavni tužilac Tužilaštva Bosne i Hercegovine, uz odobrenje Kolegija tužilaca od 05. 03. 2013. godine i od 01. 04. 2013. godine, te odobrenja Visokog sudskog i tužilačkog vijeća Bosne i Hercegovine od 23. 04. 2013. godine, donosi Pravilnik o unutrašnjoj organizaciji Tužilaštva Bosne i Hercegovine („Službeni glasnik BiH“, broj 36/13), a koji je stupio na snagu 21. 05. 2013. godine.*

*Iako se radi o obimnim izmjenama, istima nije dirano u samu suštinu i strukturu organizacije Tužilaštva.*

*U organizacionom smislu, u Tužilaštvu postoje četiri osnovne organizacione jedinice - tri tužilačka odjela i uprava Tužilaštva.*

*Osnovna unutrašnja organizaciona struktura Tužilaštva i usmjerenje podrške Ureda registrara se šematski može prikazati na sljedeći način:*



*Slika 1. Organizaciona šema Tužilaštva BiH*

*Tužilaštvo svoju funkciju ostvaruje i kroz Ured glavnog tužioca, Kolegij glavnog tužioca, Kolegij tužilaca, Kolegij tužilačkih odjela kao i Kolegij uprave, koji postupaju u slučajevima kada to propisuje Zakon o krivičnom postupku Bosne i Hercegovine ili Pravilnik o unutrašnjoj organizaciji Tužilaštva Bosne i Hercegovine.*

### **1.3.2. RUKOVODSTVO**

*Tužilaštvom rukovodi i predstavlja ga glavni tužilac Tužilaštva. Nadležnosti i ovlaštenja glavnog tužioca Tužilaštva propisana su Zakonom o Tužilaštvu Bosne i Hercegovine i Pravilnikom o unutrašnjoj organizaciji Tužilaštva Bosne i Hercegovine.*

*Dana 01. 02. 2013. godine na dužnost glavnog tužioca Tužilaštva BiH stupio je Goran Salihović. Prethodno, funkciju glavnog tužioca Tužilaštva je vršila, u skladu sa članom 5. Zakona o Tužilaštvu Bosne i Hercegovine, a po odluci Visokog sudskog i tužilačkog vijeća Bosne i Hercegovine od 04. 07. 2011. godine, Jadranka Lokmić-Misirača, zamjenica glavnog tužioca i rukovoditeljica Odjela III Tužilaštva.*

*Zakonom o Tužilaštvu Bosne i Hercegovine predviđeno je da glavni tužilac ima četiri zamjenika kao i da Tužilaštvo ima sekretara.*

*Dužnost zamjenika u izvještajnom periodu su vršili: zamjenica glavnog tužioca Vesna Budimir, zamjenik glavnog tužioca Božo Mihajlović i zamjenik glavnog tužioca Dragan Čorlija, koji je navedenu dužnost preuzeo dana 01. 02. 2013. godine. Zamjenica glavnog tužioca Jadranka Lokmić-Misirača je, kako je*



*prethodno navedeno, do 01. 02. 2013. godine vršila dužnost glavnog tužioca, a dana 19. 06. 2013. godine ista je stupila na dužnost potpredsjednice Visokog sudskog i tužilačkog vijeća BiH.*

*Kada je glavni tužilac odsutan ili spriječen da obavlja svoje poslove, zamjenjuje ga jedan od zamjenika glavnog tužioca, a pomoć glavnom tužiocu u obavljanju administrativnih poslova pruža sekretar Tužilaštva.*

### **1.3.3. TUŽILAČKI ODJELI**

*U organizacionom smislu, u Tužilaštvu postoje Posebni odjel za ratne zločine, Posebni odjel za organizirani kriminal, privredni kriminal i korupciju i Odjel III. Izdvajanjem rada na specifičnim krivičnim djelima u posebne odjele, omogućava se koncentracija poslova, ali i fokusiranje tužilačkog rada na određenu grupu sličnih predmeta, čime se direktno doprinosi povećanju njihove efikasnosti.*

*Posebni odjel za ratne zločine bavi se procesuiranjem počinitelja krivičnih djela protiv čovječnosti i vrijednosti zaštićenih međunarodnim pravom iz glave XVII Krivičnog zakona BiH.*

*Posebni odjel za organizirani kriminal, privredni kriminal i korupciju bavi se procesuiranjem počinitelja krivičnih djela organizovanog kriminala, privrednog kriminala i korupcije, kao i krivičnih djela terorizma.*

*Unutar Odjela III, procesuiraju se počinioci svih krivičnih djela iz nadležnosti Tužilaštva Bosne i Hercegovine, koja nisu u nadležnosti posebnih odjela.*

*Rad u tužilačkim odjelima organizuju i nadgledaju rukovodioci odjela, koji za svoj rad neposredno odgovaraju glavnom tužiocu. U pravilu, rukovodioci odjela imenuju se iz reda zamjenika glavnog tužioca.*

*U Posebnom odjelu za ratne zločine formirana su tri odsjeka koja se zasnivaju na već postojećoj podjeli poslova prema regionalnom principu, te je određeno da ovaj Odjel ima dva rukovodioca, i to dva zamjenika glavnog tužioca, a navedeni zamjenici glavnog tužioca istovremeno su imenovani za rukovodioce po jednog novoformiranog odsjeka. Za rukovodioca trećeg novoformiranog odsjeka imenovan je tužilac ovog Odjela.*

*U Posebnom odjelu za organizirani kriminal, privredni kriminal i korupciju formirana su tri odsjeka, prema vrsti krivičnih djela iz okvira nadležnosti ovog Odjela. Rukovodilac Odjela ujedno je i rukovodilac Odsjeka za korupciju, dok su za rukovodioce druga dva odsjeka imenovana dva tužioca iz Odjela.*

*U Odjelu III formirani su Odsjek za međunarodnu pravnu pomoć, kojim rukovodi rukovodilac Odjela, i Odsjek za ostala krivična djela iz nadležnosti Odjela III, kojim rukovodi jedan tužilac ovog Odjela, koji u odsutnosti rukovodioca Odjela vrši i navedenu dužnost.*

Tužilaštvo je započelo rad u 2013. godini sa 33 tužioca koji su državljani Bosne i Hercegovine, raspoređena u tri tužilačka odjela: Posebni odjel za ratne zločine, Posebni odjel za organizirani kriminal, privredni kriminal i korupciju i Odjel III. Tokom perioda obuhvaćenog ovom informacijom, došlo je do značajnog povećanja broja tužilaca na način da su dana 01. 02. 2013. godine na dužnost stupili novi glavni tužilac i 5 tužilaca, dana 01. 09. 2013. godine 1 tužilac te dana 01. 12. 2013. godine 13 tužilaca. Istovremeno, 3 tužioca su napustila Tužilaštvo BiH. Na ovaj način, ukupan broj tužilaca u Tužilaštvu BiH je u toku 2013. godine povećan sa 33 na ukupno 50, što predstavlja povećanje od 17 novih tužilaca.

Detaljnije informacije o radu tužilačkih odjela navedene su u narednim poglavljima ove Informacije.

#### **1.3.4. UPRAVA TUŽILAŠTVA**

U upravi Tužilaštva obavljaju se pravni, administrativno-tehnički, opći i materijalno-finansijski poslovi, IT poslovi, poslovi vezani za odnose s javnošću i drugi poslovi neophodni za zakonito, blagovremeno i efikasno funkcionisanje Tužilaštva. Kroz upravu Tužilaštva obezbjeđuje se i posebna podrška radu tužilačkih odjela.

Upravom Tužilaštva rukovodi glavni tužilac. Sekretar Tužilaštva, pod nadzorom glavnog tužioca, rukovodi, nadgleda i koordinira radom uprave Tužilaštva.

Poslovi iz nadležnosti uprave Tužilaštva, koji se mogu svrstati u poslove opće podrške, obavljaju se u okviru sljedećih organizacionih jedinica: Kabinet glavnog tužioca, Ured sekretara Tužilaštva, Odjel za pravne, administrativno-tehničke i opće poslove, Odjel za materijalno-finansijske poslove, Odjel za odnose s javnošću, te Odjel za IKT i obradu elektronskog dokaznog materijala.

Poslovi koji se mogu svrstati u poslove posebne podrške koja se pruža radu pojedinih tužilačkih odjela realizuju se kroz Ured registrara, te Odjel za istrage i podršku svjedocima.

U Tužilaštvu, zaključno sa 31. 12. 2013. godine, bilo je 164 zaposlenih (stručno i administrativno osoblje), uključujući i lica zaposlena na određeno vrijeme. Pri tome, nalazimo potrebnim ukazati na to da su četiri lica angažovana na osnovu posebnog projekta realizovanog od strane Tužilaštva i OSCE-a, od septembra 2013. godine, na poslovima podrške radu na predmetima ratnih zločina. Također, u ukupan navedeni broj je uračunato i 10 pripravnika. Bitno je ovdje istaći da je od navedenog broja zaposlenih, njih 107 (posebna kategorija stručnog osoblja i administrativno osoblje) raspoređeno na rad u tužilačke odjele i da će biti obuhvaćeni pregledom kadrovske strukture tužilačkih odjela

### **1.4. PODRŠKA UREDA REGISTRARA**

Okolnost od posebnog značaja za potrebu osiguranja značajnih resursa za budući rad Tužilaštva je činjenica da je od 31. 12. 2012. godine Ured registrara prestao sa pružanjem podrške radu ove institucije te da se od 01. 01. 2013. godine, Tužilaštvo u svom radu oslanja u potpunosti na domaće kapacitete.



## **1.5. OZNAKE UPISNIKA**

*Radi lakšeg praćenja dalje sadržine ove Informacije, navode se oznake upisnika koji se vode u Tužilaštvu i kojima se označavaju i predmeti koji se vode u tim upisnicima kako slijedi:*

**KT**                    *krivični upisnik - Registar poznatih počinitelaca krivičnih djela (pravna i fizička lica)*

**KT-RZ**                *krivični upisnik - Registar poznatih počinitelaca krivičnog djela ratnog zločina*

**KTPO**                *krivični upisnik - Registar poznatih počinitelaca krivičnog djela privrednog kriminala*

**KTN**                    *krivični upisnik - Registar krivičnih predmeta nepoznatih počinitelaca*

**KTN-RZ**              *krivični upisnik - Registar nepoznatih počinitelaca krivičnog djela ratnog zločina*

**KTM**                    *krivični upisnik - Registar krivičnih predmeta maloljetnih počinitelaca*

**KTPOM**              *krivični upisnik - Registar predmeta međunarodne pravne pomoći*

**KTEKS**                *krivični upisnik - Registar predmeta ekstradicije*

**KTA**                    *krivični upisnik - Registar raznih krivičnih predmeta*

**KTA-RZ**              *krivični upisnik - Registar raznih krivičnih predmeta ratnog zločina*

**A, A-RZ, A-P, A-US, A-I, A-R, P, R** upisnici za razne poslove

*U vezi sa gore navedenim, napominjemo da se u Tužilaštvu predmeti evidentiraju i elektronskim putem. Naime, početkom 2011. godine, od strane VSTV-a je implementiran Sistem upravljanja predmetima - Case Management System (CMS) koji ima za svrhu potpunu automatizaciju procesa rada u sudovima i tužilaštvima, čime se omogućava veća efikasnost i transparentnost u radu osoblja, te praćenje statističkih podataka i izvještavanje, kako na nivou pojedinačnih pravosudnih institucija, tako i na nivou kantona, entiteta i cijele države. U toku 2013. godine u ovom sistemu izvršeno je niz promjena u cilju prilagođavanja istog stvarnim potrebama.*


## **2. ODJELI TUŽILAŠTVA BOSNE I HERCEGOVINE**

### **2.1. POSEBNI ODJEL ZA RATNE ZLOČINE (ODJEL I)**

Ovaj odjel je započeo sa radom 09. 03. 2005. godine, nakon usvajanja novog krivičnog zakonodavstva koje omogućava procesuiranje predmeta ratnih zločina, odnosno pravnog okvira kojim su se stekli uslovi da se predmeti Međunarodnog krivičnog suda za bivšu Jugoslaviju (u daljem tekstu MKSJ) mogu procesuirati pred domaćim pravosudnim organima, kao i da bi se mogla preuzeti uloga Jedinice pravila puta MKSJ-a, koja je do svog zatvaranja vršila pregled predmeta ratnih zločina.

#### **2.1.1 ORGANIZACIJA POSEBNOG ODJELA ZA RATNE ZLOČINE**

Posebni odjel za ratne zločine svoj rad u organizacionom smislu ostvaruje kroz funkcionisanje šest (6) tužilačkih timova koji su ustanovljeni prema geografsko-regionalnoj strukturi BiH.



Slika 2. Organizaciona šema Posebnog odjela za ratne zločine

*Tužilački timovi u svom sastavu imaju pet ili šest tužilaca, zatim stručne saradnike, koordinatore predmeta, istražioce i ostalo administrativno osoblje koje pruža pomoć tužiocima u radu. Pomoć tužiocima u radu pruža i jedan stručni savjetnik – saradnik – pravnik.*

*U toku 2013. godine u radu na predmetima ratnih zločina pomoć pruža i Odjel za istrage i podršku svjedocima Tužilaštva BiH. Istražiocima ovog Odjela preduzimaju radnje u skladu sa Zakonom o krivičnom postupku BiH koje im povjere postupajući tužiocima, kao što su lociranje i saslušanje svjedoka, pretrage arhiva i dokumentacije različitih organa vlasti i pravnih osoba u cijeloj BiH, sudjeluju zajedno sa policijskim agencijama u prikupljanju dokaza na terenu (pretresi objekata i lica, oduzimanje predmeta, saslušanje svjedoka i ispitivanje osumnjičenih), te koordiniraju sve ove aktivnosti sa različitim policijskim agencijama uključenim u istrage.*

*Navedeni Odjel u posmatranom periodu je pružao podršku i u obavljanju poslova tehničke, psihološke i druge vrste podrške svjedocima s ciljem da se obezbijedi efikasna saradnja sa svjedocima u istrazi i tokom krivičnog postupka.*

*Također, značajnu podršku Posebnom odjelu za ratne zločine pružao je i Odjel za informaciono-komunikacione tehnologije i obradu elektronskog dokaznog materijala.*

*Ova podrška, između ostalog, ogledala se u obavljanju poslova unosa, ažuriranja, održavanja i pretraživanja informacija u računarskim sistemima, prenosa informacija i podataka sa zapisa na papiru na automatizovane sisteme, održavanja mrežnog i elektronskog sistema arhiviranja dokaznog materijala i ostale dokumentacije za predmete ratnih zločina, praćenja svih potencijalnih dokaza, slaganja, indeksiranja, izdavanja materijala i dokaza, zatim unosa, ažuriranja, održavanja i pretraživanja podataka u bazama za koordinaciju predmeta te davanja podrške suđenjima koja uključuje pomaganje u izvođenju dokaza na Sudu BiH, kao i digitalnih i kompjuterizovanih dokaza, pomoć u održavanju računarske opreme i sistema.*

*Nadalje, Posebnom odjelu za ratne zločine specifičnu pomoć pružaju i analitičari koji se bave analizom i istraživanjem ratnih zločina po nalogu tužilaca. Istraživanje podrazumijeva pronalazanje dokaza od kojih su većina dokumenti iz arhiva, institucija, baza podataka, biblioteka, medija, raznih drugih izvora, izjave svjedoka i drugi. Istraživanje se radi s ciljem utvrđivanja činjenica o ličnostima i događajima iz ratnog perioda.*

*Zahtjevi i naredbe upućeni analitičarima su se najčešće odnosili na izradu analitičkih izvještaja u vezi određene vojne ili policijske strukture, komandnog lanca, kriznog štaba i počinjenih zločina (logori, masovna ubistva, itd.) na osnovu dokumenata pronađenih pretraživanjem EDS baze, sudske baze MKSJ-a, internet stranica, spisa Tužilaštva, te presuda i transkripata MKSJ-a.*

### **2.1.2. KADROVSKA STRUKTURA POSEBNOG ODJELA ZA RATNE ZLOČINE**

*Organizacija Posebnog odjela za ratne zločine u većoj mjeri je promijenjena tokom 2013. godine. Naime, tokom 2012. godine Odjel je imao jednog rukovodioca Odjela - zamjenika glavnog tužioca,*

te 6 regionalnih timova sa jasno određenim područjem Bosne i Hercegovine koje je svaki od regionalnih timova imao u nadležnosti.

Odlukama glavnog tužioca u okviru postojećih tužilačkih odjela formirani su odsjeci i izvršen raspored tužilaca u odjele - odsjeke te su tako formirana i tri odsjeka u Posebnom odjelu za ratne zločine. Ova nova organizaciona struktura Odjela treba da doprinese jačanju neposrednog nadzora nad radom, posebno zbog već ostvarenog i predstojećeg povećanja broja tužilaca i zaposlenika. Od strane glavnog tužioca imenovani su i rukovodioci odsjeka Posebnog odjela za ratne zločine, a u svaki od navedenih odsjeka, zajedno sa rukovodiocem, raspoređeno je 6 tužilaca, tako da je broj tužilaca stalno angažovanih isključivo u Posebnom odjelu za ratne zločine bio 18. Istovremeno, određeno je da dva tužioca raspoređena u druge odjele Tužilaštva BiH zaduže i određeni broj predmeta iz Posebnog odjela za ratne zločine. Također, jedan tužilac stalno angažovan na radu u Posebnom odjelu za organizirani kriminal, privredni kriminal i korupciju dužio je određeni broj predmeta i iz Posebnog odjela za ratne zločine Tužilaštva BiH.

U pogledu broja tužilaca potrebno je naglasiti da su sa 31. 12. 2013. godine u Posebnom odjelu za ratne zločine Tužilaštva BiH raspoređena 32 tužioca. Ipak, ovaj broj je značajno mijenjan tokom izvještajne godine, posebno u mjesecu decembru 2013. godine. U periodu dužem od 6 mjeseci tokom 2013. godine u Odjelu su radila 2 zamjenika glavnog tužioca i 17 tužilaca. Jednom tužiocu je prestao radni odnos u Tužilaštvu BiH, pa samim time i u Odjelu, dana 07. 06. 2013. godine. Jedan zamjenik glavnog tužioca je imenovan 01. 02. 2013. godine. Potrebno je napomenuti da su u Posebnom odjelu za ratne zločine, dana 01. 02. 2013. godine raspoređena u rad 4 novoimenovana tužioca koji ulaze u naprijed navedeni broj tužilaca, koji su za predmetni izvještajni period radili u Posebnom odjelu za ratne zločine. Dana 01. 12. 2013. godine na dužnost je stupilo novih 13 tužilaca koji su raspoređeni za rad u Posebni odjel za ratne zločine.

Što se tiče strukture zaposlenih u Posebnom odjelu za ratne zločine, u istom je tokom 2013. godine angažovan jedan savjetnik - pravnik, dok se broj stručnih saradnika - pravnika intenzivno mijenjao tokom izvještajnog perioda. Potrebno je napomenuti da je 6 stručnih saradnika - pravnika angažovano od mjeseca decembra 2013. godine. Istovremeno dva stručna saradnika su napustila Tužilaštvo BiH 30. 06. 2013. godine. Jedan stručni saradnik je angažovan od mjeseca septembra, a jedan od mjeseca jula 2013. godine. Stoga, popunjenost Tužilaštva BiH sa stručnim saradnicima - pravicima je bila dosta manja tokom 2013. godine u odnosu na kraj 2013. godine. U radu na predmetima Posebnog odjela za ratne zločine podršku tužiocima pružao je i Odjel za istragu i podršku svjedocima u kojem je pored rukovodioca odjela – savjetnika, angažovano 9 istražilaca i dva zaposlenika za podršku svjedocima koji rade na ovoj vrsti predmeta. Istovremeno, podršku tužiocima u radu na ovoj vrsti predmeta pružala su tri analitičara. Pored navedenih, angažovano je i 6 koordinatora predmeta. U Odjelu je radilo i 14 daktilografa.

### 2.1.3. RAD NA PREDMETIMA

#### 2.1.3.1. KT-RZ-PREDMETI – ISTRAGE

Posebni odjel za ratne zločine Tužilaštva Bosne i Hercegovine je u periodu od 01 .01. 2013. godine do 01. 01. 2014. godine u radu imao 276 KT-RZ predmeta u radu u fazi istrage protiv 1090 lica.


Tužioci su tokom 2013. godine donijeli 46 naredbi za sprovođenje istrage protiv 216 lica. U 14 predmeta protiv 51 lica donijete su naredbe o obustavi istrage, dok su na drugi način riješene 92 istrage protiv 419 lica. Ukupno je u izvještajnom periodu riješeno 55 istraga protiv 155 lica.

Istovremeno, tokom 2013. godine tužioci Posebnog odjela za ratne zločine Tužilaštva Bosne i Hercegovine su podigli 26 optužnica protiv 49 lica. Navedene optužnice podignute su zbog krivičnih djela, i to: 2 optužnice protiv 2 lica zbog krivičnog djela genocid iz člana 171. KZ-a BiH, 8 optužnica protiv 22 lica zbog krivičnog djela zločin protiv čovječnosti iz člana 172. KZ-a BiH, 13 optužnica protiv 20 lica zbog krivičnog djela ratni zločin protiv civilnog stanovništva iz člana 173. KZ-a BiH, 2 optužnice protiv 3 lica zbog krivičnog djela ratni zločin protiv ratnih zarobljenika iz člana 175. KZ-a BiH, i optužnicu protiv 2 lica zbog krivičnog djela ratni zločin protiv civilnog stanovništva iz člana 142. KZ-a SFRJ.

Postupajući po optužnicama Posebnog odjela za ratne zločine Tužilaštva Bosne i Hercegovine Sud Bosne i Hercegovine je u navedenom periodu izrekao 11 presuda protiv 13 lica, od čega 9 presuda kojima se optuženi oglašava krivim, te su izrečene kazne zatvora od 137 godina, i 2 presude kojima se optuženi oslobađa od optužbe.

Prosječna dužina istraga u Posebnom odjelu za ratne zločine Tužilaštva BiH jasno je vidljiva iz sljedećeg tabelarnog prikaza:

TUŽILAŠTVO BiH POSEBNI ODJEL ZA RATNE ZLOČINE 2013.														
ISTRAGE														
ISTRAGE	2004-2008		2009		2010		2011		2012		2013		UKUPNO	
	Pred.	Lica	Pred.	Lica	Pred.	Lica	Pred.	Lica	Pred.	Lica	Pred.	Lica	Pred.	Lica
U RADU	181	695	5	36	13	52	13	29	18	62	46	216	276	1090
RIJEŠENO	22	78	1	15	5	11	2	4	7	16	18	31	55	155
NERIJEŠENO	159	617	4	21	8	41	11	25	11	46	28	185	221	935



*Slika 3. Pregled procesnih odluka u Posebnom odjelu za ratne zločine u 2013. godini*

### **2.1.3.2. OSTALE VRSTE PREDMETA**

#### **KTA-RZ PREDMETI**

*Tužioci Posebnog odjela tokom 2013. godine imali su u radu 1.987 KTA-RZ predmeta, od kojih su 1.584 predmeta kao neriješeni preneseni iz prethodnih godina, dok su u toku 2013. godine zaprimljena u rad 403 predmeta. Tokom 2013. godine tužioci Posebnog odjela za ratne zločine Tužilaštva BiH riješili su 368 KTA-RZ predmeta, tako da je sa 01. 01. 2014. godine u radu ostalo 1.619 KTA-RZ predmeta.*

*Prenošenjem u KT-RZ upisnik riješeno je 37 predmeta, a 327 predmeta je riješeno na drugi način, dok su 4 predmeta riješena naredbom o nesprovođenju istrage, što ukupno iznosi 368 riješenih predmeta.*

#### **KTN-RZ PREDMETI**

*Tužioci Posebnog odjela za ratne zločine Tužilaštva Bosne i Hercegovine su u 2013. godini u radu imali 490 KTN-RZ predmeta, od kojih je preneseno kao neriješeno 406 predmeta iz ranijih godina, a u 2013. godini ukupno su zaprimljena 84 KTN-RZ predmeta, a riješeno je 10 predmeta, tako da je sa 01. 01. 2014. godine u radu ostalo 480 KTN-RZ predmeta.*

*Prenošenjem u KT-RZ upisnik riješena su 3 predmeta, 5 predmeta je riješeno na drugi način, dok su 2 predmeta riješena naredbom o nesprovođenju istrage, što ukupno iznosi 10 riješenih predmeta.*



**KTPOM PREDMETI**


*U 2013. godini u radu Posebnog odjela za ratne zločine Tužilaštva Bosne i Hercegovine su bila ukupno 3 predmeta protiv 1 lica, od kojih su 3 predmeta u odnosu na 3 lica ostala neriješena iz ranijih godina.*

**A-RZ PREDMETI**

*Tužioci Posebnog odjela za ratne zločine Tužilaštva Bosne i Hercegovine nastavili su rad i u 2013. godini na A-RZ predmetima. Tokom 2013. godine ovaj Odjel je radio na 291 A-RZ predmetu. Iz prethodnih godina je u rad u 2013. godini prenijeto 120 A-RZ predmeta. Tokom 2013. godine u rad je primljen novi 171 A-RZ predmet. U toku 2013. godine riješena su 52 A-RZ predmeta, te je u radu ostalo još 239 A-RZ predmeta.*

**A-PREDMETI**

*U 2013. godini Posebni odjel za ratne zločine Tužilaštva BiH nastavio je rad i po A-predmetima. Tokom 2013. godine ovaj Odjel je radio na 58 A-predmeta. Iz prethodnih godina je u rad preneseno 25 A-predmeta, dok su u 2013. godini zaprimljena nova 33 A-predmeta. Tokom 2013. godine riješeno je 27 A-predmeta, od je čega 6 A-predmeta zaprimljeno u 2013. godini, te je u radu ostao 31 A-predmet.*



## INFORMACIJA O RADU 2013

*Slika 4. Pregled KTA, KTPOM, KTN i KTM predmeta u Posebnom odjelu za ratne zločine u 2013. godini*

### **PRIJAVE U RADU**

*Posebni odjel za ratne zločine Tužilaštva BiH je u predmetnom izvještajnom periodu imao ukupno u radu 545 prijava protiv 4.651 lica. Od navedenog broja, broj prijava koje su prenesene u rad iz prethodnih izvještajnih perioda je 345 protiv 3.284 lica. Pored navedenog, u 2013. godini zaprimljen je veliki broj novih prijava i to 200 prijava protiv 1367 lica. Tužilaštvo BiH je tokom 2013. godine ukupno riješilo 140 prijava protiv 663 lica. Od navedenog broja, 17 prijava protiv 84 lica riješeno je na način da su donijete naredbe o nesprovođenju istrage. Istovremeno, 46 prijava protiv 215 lica riješeno je na način da je donijeta naredba o sprovođenju istrage, a na drugi način riješeno je 77 prijava protiv 364 lica.*

*Pored navedene činjenice, ističemo veliki broj prijava za krivična djela za koja je nadležan Posebni odjel za ratne zločine Tužilaštva BiH u 2013. godini, te iz navedenog razloga nije došlo do značajnog smanjenja broja prijava u radu. Tako je u Tužilaštvu BiH po završetku predmetnog izvještajnog perioda u radu ostalo 405 prijava protiv 3.998 lica.*

***Prosječna dužina rada po prijavama iz nadležnosti Posebnog odjela za ratne zločine Tužilaštva BiH data je u sljedećem tabelarnom prikazu:***

<i>TUŽILAŠTVO BiH POSEBNI ODJEL ZA RATNE ZLOČINE 2013.</i>														
<i>PRIJAVE</i>														
<i>PRIJAVE</i>	<i>2004-2008</i>		<i>2009</i>		<i>2010</i>		<i>2011</i>		<i>2012</i>		<i>2013</i>		<i>UKUPNO</i>	
	<i>Pred.</i>	<i>Lica</i>	<i>Pred.</i>	<i>Lica</i>	<i>Pred.</i>	<i>Lica</i>	<i>Pred.</i>	<i>Lica</i>	<i>Pred.</i>	<i>Lica</i>	<i>Pred.</i>	<i>Lica</i>	<i>Pred.</i>	<i>Lica</i>
<i>U RADU</i>	118	1732	31	197	20	120	28	142	148	1093	200	1367	545	4651
<i>RIJEŠENO</i>	18	234	8	32	2	27	2	4	31	140	79	226	140	663
<i>NERIJEŠENO</i>	100	1498	23	165	18	93	26	138	117	953	121	1141	405	3988

## **2.1.4. SPECIFIČNOSTI POSEBNOG ODJELA ZA RATNE ZLOČINE**

### **2.1.4.1. DRŽAVNA STRATEGIJA ZA RAD NA PREDMETIMA RATNIH ZLOČINA**

Tužilaštvo BiH je u toku 2013. godine preduzelo niz aktivnosti u cilju izvršenja, pred Tužilaštvo postavljenih, strateških mjera u Državnoj strategiji za rad na predmetima ratnih zločina o kojima je povremeno podnosilo izvještaj Nadzornom organu za praćenje provođenja Državne strategije za rad na predmetima ratnih zločina, uglavnom po zahtjevu Nadzornog organa.

**Najveći broj aktivnosti vezan je za ažuriranje baze podataka otvorenih predmeta ratnih zločina, prenošenje vođenja postupaka u fazi istrage na entitetska tužilaštva i unaprijeđenju regionalne saradnje.**

**Strateška mjera br. 3** iz Državne strategije djelimično je ispunjena jer su Pravilnikom o unutrašnjoj organizaciji Tužilaštva BiH, koji je stupio na snagu 21. 05. 2013. godine, sistematizirane tri (3) pozicije „viši stručni saradnik – analitičar na bazi podataka otvorenih predmeta ratnih zločina“. Do sada nije objavljen konkurs za popunjavanje navedenih sistematiziranih pozicija iz razloga što su za finansiranje dvije (2) pozicije analitičara na bazi podataka otvorenih predmeta ratnih zločina doznačena donatorska sredstva iz Norveškog granta za podršku pravosuđu, koja pokrivaju period od 01. 07. 2013. godine do 31. 08. 2014. godine. Znači, sistematizirane pozicije nisu popunjene i rad analitičara se i dalje finansira kroz donatorska sredstva. Popunjavanje sistematiziranih pozicija planira se nakon što se u potpunosti iskoriste donatorska sredstva doznačena za rad na pozicijama analitičara, odnosno, nakon 31. 08. 2014. godine. Potrebno je napomenuti da je Tužilaštvo BiH apliciralo za finansiranje četiri (4) pozicije analitičara putem komponente 2 Projekta IPA 2012/2013, tako da postoji mogućnost da se pozicije dva (2) analitičara nastave finansirati i kroz sredstva IPA, a nakon utroška sredstava iz Norveškog granta za podršku pravosuđu.

Nadalje, Državnom strategijom za rad na predmetima ratnih zločina stavljena je u obavezu Tužilaštvu **strateška mjera br. 8** (dostavljanje Sudu Bosne i Hercegovine izvještaja o otvorenim predmetima ratnih zločina). S tim u vezi, do 24. 01. 2013. g. Tužilaštvo Bosne i Hercegovine je Sudu Bosne i Hercegovine dostavilo ukupno 6 dopuna Izvještaja o nezavršenim kategorisanim predmetima ratnih zločina koji su uneseni u bazu podataka otvorenih predmeta ratnih zločina. Ti podaci su Tužilaštvu BiH iz baze dostavljeni zaključno sa 24. 01. 2013. godine.

**Strateška mjera br. 7** (izmjena i dopuna odredbe ZKP-a BiH o prenošenju vođenja postupka u predmetima ratnih zločina) – proces prenošenja vođenja postupka u fazi istrage u skladu sa izmijenjenim i dopunjenim članom 27a. ZKP-a BiH.

*Prenos predmeta – član 27a. ZKP-a BiH*

*U periodu od 01. 01. 2013. godine do 01. 01. 2014. godine, Tužilaštvo BiH je:*

- *Podnijelo ukupno 64 prijedloga protiv 118 lica i više NN lica.*
- *Usvojena su ukupno 54 prijedloga (protiv 78 lica i više NN lica).*

### INFORMACIJA O RADU 2013

- Odbijeno je ukupno 7 prijedloga (protiv 35 lica i više NN lica).
- Za 3 prijedloga (5 i više NN lica) čeka se rješenje Suda.

Sud Bosne i Hercegovine je rješenjima u 2013. godini usvojio 64 prijedloga Tužilaštva Bosne i Hercegovine za 118 lica i više NN lica i preneseno je vođenje postupka na entitetska i Tužilaštvo Brčko distrikta BiH po godinama u kojima je doneseno rješenje Suda, a kako slijedi:

<b>TUŽILAŠTVO</b>	<b>01. 01. 2013 - 01. 01. 2014. godine</b>
<b>KT BIHAĆ</b>	<b>6</b>
<b>KT ORAŠJE</b>	<b>1</b>
<b>KT TUZLA</b>	<b>1</b>
<b>KT ZENICA</b>	<b>4</b>
<b>KT GORAŽDE</b>	<b>1</b>
<b>KT TRAVNIK</b>	<b>5</b>
<b>KT MOSTAR</b>	<b>6</b>
<b>KT SARAJEVO</b>	<b>4</b>
<b>KT LIVNO</b>	<b>2</b>
<b>OT BANJA LUKA</b>	<b>13</b>
<b>OT DOBOJ</b>	<b>1</b>
<b>OT BIJELJINA</b>	<b>4</b>
<b>OT ISTOČNO SARAJEVO</b>	<b>3</b>
<b>OT TREBINJE</b>	<b>3</b>
<b>TUŽILAŠTVO BD</b>	<b>10</b>
<b>UKUPNO PRIJEDLOGA:</b>	<b>64</b>

Sveukupan pregled podataka primjene člana 27a. ZKP-a BiH od početka njegove primjene do 01. 01. 2014. godine daje sljedeću sliku:

- Podneseno je ukupno 496 prijedloga u 462 predmeta (protiv 921 i više NN lica)
- Usvojeno je ukupno 353 prijedloga (protiv 662 lica i više NN lica).

INFORMACIJA O RADU 2013

- Odbijena su ukupno 132 prijedloga (protiv 238 i više NN lica).
- Odbačena su ukupno 3 prijedloga (protiv 3 lica).
- Povučena su 3 prijedloga (protiv 10 lica).
- Broj ponovljenih prijedloga iznosi 34 u 32 predmeta.
- U 5 prijedloga (8 i više NN lica) čeka se rješenje Suda.

Pregled ukupnog broja entitetskih tužilaštava i Tužilaštva Distrikta Brčko na koje je preneseno vođenje postupka dat je u sljedećem tabelarnom prikazu:

<b>TUŽILAŠTVO</b>	<b>2010. godina - 01. 01. 2014. godine</b>
<b>KT BIHAĆ</b>	<b>48</b>
<b>KT ORAŠJE</b>	<b>2</b>
<b>KT TUZLA</b>	<b>19</b>
<b>KT ZENICA</b>	<b>25</b>
<b>KT GORAŽDE</b>	<b>2</b>
<b>KT TRAVNIK</b>	<b>31</b>
<b>KT MOSTAR</b>	<b>67</b>
<b>KT SARAJEVO</b>	<b>31</b>
<b>KT LIVNO</b>	<b>9</b>
<b>OT BANJA LUKA</b>	<b>33</b>
<b>OT DOBOJ</b>	<b>18</b>
<b>OT BIJELJINA</b>	<b>24</b>
<b>OT ISTOČNO SARAJEVO</b>	<b>29</b>
<b>OT TREBINJE</b>	<b>12</b>
<b>TUŽILAŠTVO BD</b>	<b>3</b>
<b>UKUPNO: usvojenih prijedloga</b>	<b>353 (662 i više NN lica)</b>

*Svi predmeti u kojima je doneseno rješenje o usvajanju prijedloga za prenošenje vođenja postupka prosljeđeni su određenom kantonalnom/okružnom tužilaštvu ili Tužilaštvu Brčko distrikta BiH.*

**Strateška mjera br. 12** (redovni sastanci predstavnika Suda BiH s ciljem osiguranja jedinstvene primjene usaglašenih kriterija) kontinuirano se provodi, a što proizlazi iz podatka da je Tužilaštvo dana 19. 10. 2011. godine imenovalo stalnu Radnu grupu sa zadatkom praćenja i analize provođenja Državne strategije za rad na predmetima ratnih zločina, odnosno da analizira i prati usaglašavanje primjene kriterija za ocjenu složenosti predmeta ratnih zločina, u čijem radu, pored tužilaca Tužilaštva BiH, sudjeluju i predstavnici kantonalnih i okružnih tužilaštava, odnosno Tužilaštva Brčko distrikta BiH.

Radna grupa je do kraja 2013. godine održala više zajedničkih i pojedinačnih sastanaka na kojima su se razmatrala pitanja konkretizacije kriterija za ocjenu složenosti predmeta iz Aneksa „A“ Državne strategije za rad na predmetima ratnih zločina i na kojima su definisane pojedinačne radnje u okviru kriterija za ocjenu težine krivičnog djela, svojstva počinitelaca i ostalih okolnosti koje utiču na ocjenu složenosti predmeta, odnosno na primjenu članova 27., 27a. i 449. Zakona o krivičnom postupku BiH. Također, odlukom glavnog tužioca od 15. 03. 2013. godine prošireno je članstvo Radne grupe sa dva dodatna tužioca iz Posebnog odjela za ratne zločine.

Ova Radna grupa je formirana i sa zadatkom održavanja redovnih sastanaka sa stalnim Vijećem Suda BiH koje je ustanovljeno radi praćenja provođenja Državne strategije. Sastanci Radne grupe Tužilaštva BiH i stalnog Vijeća Suda BiH održavaju se redovno i na taj način se osigurava izvršenje strateške mjere br. 12 Državne strategije.

**Strateška mjera br. 23** (jačanje regionalne pravosudne saradnje u vezi predmeta ratnih zločina), cijenimo da je u toku 2013. godine kontinuirano izvršavana.

Tužioci Tužilaštva Bosne i Hercegovine, u okviru regionalne saradnje, a u cilju izvršenja ove strateške mjere, uzimali su učešće na svim regionalnim konferencijama i forumima na kojima se raspravljalo o pitanjima vezanim za rad na predmetima ratnih zločina i to, kako organiziranih u Bosni i Hercegovini, tako i u susjednim državama.

U toku 2013. godine održan je niz sastanaka sa predstavnicima pravosuđa iz regiona. Prije svega, potrebno je izdvojiti da su predstavnici delegacija regionalnih tužilaštava, između ostalih i Tužilaštva BiH, sudjelovali na dvodnevnoj 7. regionalnoj konferenciji državnih odvjetnika – Saradnja u progonu počinitelaca ratnih zločina, koja se u organizaciji Državnog odvjetništva Republike Hrvatske održala na Brionima s naglaskom na neophodnosti i važnosti međusobne saradnje kako bi se počinioci ratnih zločina procesuirali. (23. i 24. 5. 2013.) U radu konferencije sudjelovali su predstavnici Tužilaštva Međunarodnog krivičnog suda za bivšu Jugoslaviju, Državnog odvjetništva Republike Hrvatske, Tužilaštva/Tužiteljstva Bosne i Hercegovine, Tužilaštva za ratne zločine Republike Srbije, Vrhovnog državnog tužilaštva Crne Gore, Federalnog tužilaštva Federacije Bosne i Hercegovine, Republičkog tužilaštva Republike Srpske i Tužilaštva Brčko distrikta Bosne i Hercegovine.



*U 2013. godini na susretima sa predstavnicima pravosuđa iz regiona zaključeni su i protokoli o saradnji i to:*

*Dana 31. januara 2013. godine, pod pokroviteljstvom Evropske komisije i Tužilaštva MKSJ-a, u Briselu je zaključen "Protokol Tužilaštva Bosne i Hercegovine i Tužilaštva za ratne zločine Republike Srbije o saradnji u progonu počinitelaca krivičnih djela ratnih zločina, zločina protiv čovječnosti i genocida", a nakon toga, dana 3. juna 2013. godine u Sarajevu je zaključen "Protokol Tužilaštva Bosne i Hercegovine i Državnog odvjetništva Republike Hrvatske o saradnji u progonu počinitelaca krivičnih djela ratnih zločina, zločina protiv čovječnosti i genocida."*

*Ubrzo nakon zaključenja protokola sa Tužilaštvom za ratne zločine Republike Srbije, započela je praksa održavanja radnih sastanaka rukovodstva tužilaštava na najvišem nivou i održano je više radnih sastanaka (10. 07. 2013. godine, 30. 08. 2013. godine i 19. 09. 2013. godine).*

*Imenovano je osoblje za vezu ispred Tužilaštva za ratne zločine R Srbije i Tužilaštva BiH, dostavljene su informacije o predmetima i imena i prezimena osumnjičenih lica, koja prema podacima Tužilaštva BiH imaju prebivalište i/ili državljanstvo Republike Srbije. Na posljednjem sastanku delegacija BiH i Srbije održanom 19. septembra 2013. godine, prezentirani su rezultati saradnje u okviru Protokola o saradnji u progonu počinitelaca krivičnih djela ratnih zločina, zločina protiv čovječnosti i genocida. Tužilaštvu za ratne zločine Republike Srbije predati su dokazni materijali u konkretnim krivičnim predmetima u kojima su podignute i potvrđene optužnice od strane Suda BiH, a optuženi se nalaze na teritoriji Srbije, kao i jedan predmet Tužilaštva Brčko distrikta BiH.*

*Nakon zaključenja Protokola održano je nekoliko radnih sastanaka sa predstavnicima Državnog odvjetništva Republike Hrvatske, 09. 07. 2013. godine, 22. i 23. 07. 2013. godine, i više radnih posjeta Tužilaštvu BiH, odnosno Državnom odvjetništvu Republike Hrvatske u povodu razmjene dokaznog materijala u više krivičnih predmeta. Dana 05. 11. 2013. godine Državnom odvjetništvu Republike Hrvatske proslijeđeni su dokazni materijali koji se odnose na više predmeta ratnih zločina u kojima su podignute i potvrđene optužnice u postupku pred Tužilaštvom i Sudom BiH.*

*Također su u postupku pribavljanja saglasnosti žrtava i pripremi drugi predmeti ratnih zločina koji su pogodni za ustupanje Tužilaštvu za ratne zločine R Srbije i Državnom odvjetništvu R Hrvatske.*

*Uspostavljen je i kontakt sa predstavnicima Vrhovnog državnog tužilaštva Republike Crne Gore i u toku su pregovori u cilju zaključenja protokola o saradnji u progonu počinitelaca ratnih zločina sa ovim tužilaštvom po uzoru na protokole zaključene sa Tužilaštvom za ratne zločine R Srbije i Državnim odvjetništvom R Hrvatske.*

#### **2.1.4.2. PREDMETI EKSHUMACIJA**

*Nakon stupanja na snagu Zakona o krivičnom postupku Bosne i Hercegovine dana 01. 03. 2003. godine, entitetska tužilaštva, tj. kantonalna i okružna tužilaštva, nastavila su po naredbama entitetskih sudova izvršavati naredbe za ekshumaciju u predmetima ratnih zločina. Od kraja 2008. godine Tužilaštvo Bosne i Hercegovine je počelo da zaprima sve informacije vezane za nestala lica, a gdje se ukaže potreba za izvršenje ekshumacije, da upućuje Sudu Bosne i Hercegovine zahtjeve za izdavanje naredbi za ekshumaciju.*

*Od 01. 01. 2011. godine, svi zahtjevi i svi predmeti ekshumacije i reekshumacije se rješavaju u Tužilaštvu BiH i preko Suda BiH.*

*U 2013. godini u Tužilaštvu Bosne i Hercegovine su u radu bila 1064 KTA-E-RZ predmeta, odnosno predmeti koji se odnose na ekshumacije i traženje nestalih lica. Od ovih predmeta 285 je zaprimljeno u rad tokom 2013. godine, dok je 966 predmeta ostalo u radu iz prethodnih godina. Tokom 2013. godine riješeno je 187 predmeta, a u radu su i dalje ostala 1064 predmeta. Navedeni predmeti uključuju zahtjeve za ekshumaciju po kojima su izdavane naredbe Suda Bosne i Hercegovine za ekshumaciju, ali i određene informacije udruženja građana i fizičkih lica koje nisu do sada dovedene do faze kada se može uputiti potpun prijedlog za izdavanje naredbi za ekshumaciju.*

*Najveći broj predmeta koji su iskazani kao završeni su iz prethodnih godina. Naime, samo izdavanje naredbe za ekshumaciju ne predstavlja problem, ali ova radnja dokazivanja, koja predstavlja prikupljanje dokaza u predmetima ratnih zločina, traje dugo jer podrazumijeva angažovanje vještaka, vršenje DNK analiza, identifikaciju ekshumiranih posmrtnih ostataka i drugih vrsta vještačenja koja su vrlo kompleksna a koja je potrebno provesti da bi se u potpunosti završila ova radnja dokazivanja.*

*Po naredbama Suda Bosne i Hercegovine postupali su tužioci i ovlaštena službena lica Tužilaštva Bosne i Hercegovine. Tako je tokom 2013. godine izvršeno 114 naredbi za ekshumaciju Suda Bosne i Hercegovine. Izvršenje naredbi za ekshumaciju zahtijeva rad ovlaštenih službenih lica na terenu, odnosno neposredni nadzor nad izvršenjem svih neophodnih radnji od same ekshumacije, sudsko-medicinske obrade posmrtnih ostataka do konačne identifikacije.*

*Rad na predmetima ekshumacija u 2013. godine bio je izuzetno kompleksan i zatjevan. Primjera radi, na jednoj ekshumaciji su ovlaštena službena lica Tužilaštva BiH provela 76 radnih dana, jer se radilo o masovnoj grobnici te je bilo potrebno poduzeti izuzetno kompleksne istražne radnje.*

*Tužilaštvo BiH je za 2013. godinu imalo planirana sredstva za ekshumacije koja su se pokazala nedostatna, pa se za navedenu godinu poduzimaju odgovarajuće mjere na pripremi svih tehničkih i logističkih uslova radi realizacije zahtjeva za ekshumacije. Akutni problem - nedostatak prostora, kako je i očekivano, reflektuje se i na ovu sferu aktivnosti Tužilaštva, s obzirom da se provođenjem ovih istražnih radnji povećava materijalna dokumentacija dokaza nastalih izvršenjem ovih naredbi, koja se pohranjuje u spisima i arhivi Tužilaštva.*

#### **2.1.4.3. SARADNJA SA TUŽILAŠTVOM MEĐUNARODNOG KRIVIČNOG SUDA ZA BIVŠU JUGOSLAVIJU (MKSJ)**

*Saradnja Tužilaštva BiH sa Međunarodnim krivičnim sudom za bivšu Jugoslaviju (MKSJ) je veoma značajna i tokom proteklih godina odvijala se kroz razne oblike i na raznim nivoima. Ova saradnja je intenzivno nastavljena i u toku 2013. godine.*

*Tokom 2013. godine Posebni odjel za ratne zločine Tužilaštva Bosne i Hercegovine uputio je 85 zahtjeva za pomoć prema Tužilaštvu MKSJ-a, od kojih je u toku posmatranog perioda u potpunosti završeno 79 zahtjeva, 3 su djelimično riješena, dok 3 zahtjeva još nisu riješena i na njima se intenzivno radi. Ovi zahtjevi su se prvenstveno odnosili na pretrage povjerljivih baza Tužilaštva MKSJ-a, ovjere dokaznog materijala, prikupljanje informacija o svjedocima, pripreme i praćenje postupka za izmjenu mjera za svjedoke koji su odlukama pretresnih i žalbenih vijeća MKSJ-a dobili zaštitu.*

*U okviru ove saradnje više tužilačkih timova Posebnog odjela za ratne zločine Tužilaštva BiH je posjetilo MKSJ, u okviru ovih posjeta pružena im je pomoć u pretragama baza podataka MKSJ-a.*

*Istovremeno, putem Tužilaštva Bosne i Hercegovine ostvarena je bliska saradnja MKSJ-a sa okružnim, kantonalni tužilaštvima i Tužilaštvom Brčko distrikta BiH, a koja tužilaštva također rade na predmetima ratnih zločina.*

*Program edukacije koji je pokrenuo Ured tužioca MKSJ-a u saradnji sa Vijećem Evrope i dalje se aktivno ostvaruje. U 2013. godini, pored oficira za vezu Tužilaštva BiH pri MKSJ-u, tri mlada stručnjaka iz Tužilaštva BiH su sudjelovala u programu edukacije i upoznavanja sa radom timova MKSJ-a, ali i doprinijeli još boljoj saradnji između Tužilaštva BiH i MKSJ-a.*

*Kroz program posjete mladih stručnjaka omogućena je edukacija i obuka mladih pravnih stručnjaka – pripravnika i stručnih saradnika iz Tužilaštva Bosne i Hercegovine koji su dobili priliku da pomažu Uredu tužioca u radu na predmetima, uključujući rad sa dokazima i drugim pravnim pitanjima, pohađanje predavanja i prezentacije o raznim temama vezanim za rad Ureda tužioca i MKSJ-a općenito. Iskustvo koje ovi mladi stručnjaci stiču pri MKSJ-u unaprijedit će i rad Tužilaštva BiH, ali i doprinijeti bližoj saradnji navedenih institucija.*

#### **2.1.4.4. OSTALE AKTIVNOSTI TUŽILACA**

*Pored navedenih podataka o optužnicama, žalbama, naredbama o sprovođenju istrage, naredbama o obustavi istrage, naredbama o nesprovođenju istrage, te okončanim KTA-RZ i KTN-RZ predmetima, potrebno je istaknuti i druge aktivnosti tužilaca i drugog osoblja Posebnog odjela za ratne zločine Tužilaštva BiH.*

*Naime, tužioci Posebnog odjela za ratne zločine su Državnoj agenciji za istrage i zaštitu podnijeli veliki broj naredbi za preduzimanje istražnih radnji.*

Osnovni zadatak većine tužilaca u Posebnom odjelu za ratne zločine je zastupanje optužnica pred Sudom Bosne i Hercegovine. Pred Sudom Bosne i Hercegovine, u postupcima vođenim po optužnicama Posebnog odjela za ratne zločine u 2013. godini je održano preko 900 ročišta za glavni pretres.

Ovi podaci također ukazuju da je veliki broj zakazanih ročišta pred Sudom BiH, s obzirom na kompleksnost i obimnost predmeta ratnih zločina, te također da, zbog zauzetosti sudija i sudnica, suđenja u gotovo svakom predmetu traju dugo, u prosjeku od po godinu i godinu i po dana.

Tokom posmatranog perioda tužioci Odjela I prisustvovali su obaveznim edukacijama u trajanju od 4 radna dana. Svi tužioci Posebnog odjela za ratne zločine Tužilaštva BiH ispunili su ovu zakonsku obavezu. Pored navedenog, jedan broj tužilaca ovog Odjela sudjelovao je na edukacijama u ulogama moderatora, ali i predavača.

Također, tužioci ovog Odjela su svoja znanja proširivali na seminarima i konferencijama koje su organizovane od strane raznih domaćih i međunarodnih nevladinih organizacija i državnih institucija. U 2013. godini održano je i godišnje savjetovanje Tužilaštva BiH na kojem su aktivnu ulogu uzeli i tužioci Posebnog odjela za ratne zločine Tužilaštva BiH.

#### **2.1.5. PROBLEMI U RADU POSEBNOG ODJELA ZA RATNE ZLOČINE**

Rad na istragama u predmetima ratnih zločina redovno obuhvata obradu velikog broja složenih činjeničnih i pravnih pitanja.

Ova pitanja odnose se na teška i sistematski izvršena krivična djela pravne kvalifikacije ratnog zločina, od ratnog zločina protiv civilnog stanovništva do genocida i zločina protiv čovječnosti, veliki broj osumnjičenih koji su obavljali visoke vojne i civilne funkcije tokom rata, veliki broj svjedoka i žrtava, obimnu materijalnu dokumentaciju i druge okolnosti. Istrage ratnih zločina su komplikovane istrage koje uključuju veliki broj svjedoka i oštećenih.

Potrebno je napomenuti da se predmeti ratnih zločina u većini dokazuju putem svjedoka, koji spadaju u takozvana subjektivna dokazna sredstva, te tužioci često dolaze u situaciju da više puta sasušavaju jednog istog svjedoka u istrazi, da izjave svjedoka često nisu konzistentne i saglasne, da svjedoci često mijenjaju iskaze u istrazi i na glavnom pretresu, prisutna je zamorenost svjedoka koja utiče na njihovu spremnost da svjedoče, lošeg su zdravstvenog stanja, starije životne dobi i slično.

Poteškoće i sporost pri prikupljanju materijalne dokumentacije također su redovni problemi koji usporavaju tok istrage u ovim predmetima, posebno kada se ima u vidu da se u istrazi obično mora pretraživati i prikupljati dokumentacija iz vojnih i civilnih arhiva u zemlji i regionu, kao i obimnih baza podataka Međunarodnog krivičnog suda za bivšu Jugoslaviju.

Imajući u vidu navedene razloge, jasno proizlazi da rad na vrlo složenim predmetima zahtijeva jako puno vremena.

## INFORMACIJA O RADU 2013

*Kao čest problem se pojavljuje i to da određeni broj svjedoka, koji su od velikog značaja za Tužilaštvo i okončanje istrage, ne boravi na području BiH, a ne pokazuju spremnost za dolazak radi svjedočenja.*

*Problemi Posebnog odjela I uočeni u toku 2013. godine, a koji dobrim dijelom potiču i iz ranijeg perioda, ogledaju se i u sljedećem:*

- *prostorna distanca, kao i činjenica da veći broj svjedoka, kako je već navedeno, ne boravi u BiH, što prouzrokuje trošenje finansijskih resursa kako bi se saslušali svjedoci;*
- *nedostatna planirana sredstva za rad na predmetima ekshumacija i traženja nestalih lica;*
- *problemi su evidentni i u postupku ekshumacija, jer ne postoji dovoljan broj patologa, što itekako ima uticaja na to da ovi postupci traju dugo;*
- *nedostatak kancelarijskog prostora koji se indirektno odražava na produktivnost osoblja;*
- *nedovoljan i neadekvatan prostor za čuvanje aktivnih spisa, kao i arhiviranje završenih spisa, te pohranjivanje privremeno oduzetih predmeta i drugog dokaznog materijala.*

## **2.2. POSEBNI ODJEL ZA ORGANIZIRANI KRIMINAL, PRIVREDNI KRIMINAL I KORUPCIJU (ODJEL II)**

*Posebni odjel za organizirani kriminal, privredni kriminal i korupciju (Odjel II) uspostavljen je formiranjem Tužilaštva Bosne i Hercegovine u 2003. godini Odlukom visokog predstavnika za Bosnu i Hercegovinu, kada su Odjel sačinjavali isključivo međunarodni tužioci, ovlašteni u skladu sa tadašnjim izmjenama i dopunama Zakona o Tužilaštvu BiH.*

*U nadležnost Odjela II spada procesuiranje počinitelja krivičnih djela iz oblasti organiziranog kriminala, privrednog kriminala i korupcije, u skladu sa zakonima Bosne i Hercegovine. Ovdje spadaju krivična djela korupcije koja se odnose na zaposlenike u institucijama Bosne i Hercegovine, krivična djela privrednog i finansijskog kriminala, uključujući krivična djela porezne utaje, krijumčarenja, carinskih prevara i pranja novca, te krivična djela organiziranog kriminala uključujući, ali i ne ograničavajući se, na djela međunarodne trgovine drogama, trgovine ljudima i slična krivična djela propisana Krivičnim zakonom Bosne i Hercegovine.*


*Nakon Odluke visokog predstavnika u BiH, od 14. 12. 2009. godine, kojom je okončan mandat međunarodnim tužiocima u Posebnom odjelu za organizirani kriminal, privredni kriminal i korupciju, tokom 2013. godine u Odjelu II rade isključivo domaći tužioci.*

*Stručni saradnik – savjetnik – pravnik i stručni saradnik – savjetnik – istražilac, stručni saradnici – pravnici i istražioc, pružaju stručnu pomoć tužiocima, u zavisnosti od tima u koji su raspoređeni, i to na način da vrše analizu pravnih propisa, pišu sažetke predmeta, prijedloge i podneske sudu, pripremaju nacрте optužnica, zahtjeva, prijedloga, asistiraju u organiziranju predmeta za suđenje, te po ovlaštenju tužioca ispituju osumnjičene, saslušavaju svjedoke, prisustvuju glavnim pretresima i suđenjima, te obavljaju druge zadatke po nalogu tužioca, sve u svojstvu ovlaštenih službenih lica kako je to predviđeno u članu 20. stavu 1. tački g) Zakona o krivičnom postupku Bosne i Hercegovine.*

*Radi što efikasnijeg sprovođenja istraga, u Odjelu II rad je zasnovan na principu formiranja tužilačkih timova koji se sastoje od jednog ili više tužilaca, stručnih saradnika, stručnih savjetnika i istražilaca kao i drugog administrativnog osoblja. Tužilački timovi, u okviru istraga koje sprovede, ostvaruju blisku saradnju sa odgovarajućim timovima različitih agencija za provođenje zakona u ovisnosti od vrste predmeta na kojima se radi.*

*U predmetima u kojima tokom istrage dođe do lišavanja slobode većeg broja lica (grupe za organizirani kriminal u skladu sa članom 1. stavom 20. Krivičnog zakona BiH), više tužilačkih timova zajednički rade na takvom predmetu s ciljem efikasnog, blagovremenog i zakonitog okončanja istrage.*





*Slika 5. Organizaciona šema Posebnog odjela za organizirani kriminal, privredni kriminal i korupciju*

*U periodu obuhvaćenom ovom informacijom, funkciju rukovodioca Odjela II vršio je domaći tužilac i rad Odjela zasnovan je isključivo na domaćim kapacitetima.*

*U toku 2013. godine u radu Odjela II primjenjivani su Kriteriji za raspodjelu predmeta između odjela Tužilaštva BiH broj A-518/09 od 30. 06. 2009. godine. Prema tim kriterijima Odjelu II raspodjeljuju se:*

- svi predmeti organiziranog kriminala, organiziranog privrednog kriminala iz nadležnosti Tužilaštva BiH;*
- predmeti za krivična djela terorizma iz člana 201. KZ-a BiH i krivična djela finansiranja terorističkih aktivnosti iz člana 202. KZ-a BiH;*
- predmeti za krivična djela trgovine ljudima iz člana 186. KZ-a BiH i krijumčarenje ljudi iz člana 189. KZ-a BiH, kada se radi o 10 ili više krijumčarenih lica odnosno žrtava trgovine ili koji uključuju izuzetno otežavajuće ili posebne okolnosti;*
- predmeti za krivična djela protiv privrede i jedinstva tržišta, te krivična djela iz oblasti carina i glave XVIII čija vrijednost prelazi iznos od 1.000.000,00 KM;*

- predmeti za krivična djela povrede autorskih prava iz glave XXI čija vrijednost prelazi iznos od 1.000.000,00 KM;

- krivična djela u vezi korupcije visokih zvaničnika Bosne i Hercegovine i odgovornih lica s najvišim funkcijama u privrednim društvima i drugim pravnim licima;

- drugi predmeti u vezi sa ostalim krivičnim djelima, a naročito predmeti krivičnih djela protiv privrede i platnog prometa i krivičnih djela počinjenih od strane službenog ili ovlaštenog lica kada je krivično gonjenje od posebne važnosti za Bosnu i Hercegovinu, zbog okolnosti ili načina na koje je djelo izvršeno, o čemu će odlučiti glavni tužilac u dogovoru sa rukovodiocem Posebnog odjela za organizirani kriminal, privredni kriminal i korupciju.

Nadalje, unutrašnja organizacija Tužilaštva je uređena Pravilnikom o unutrašnjoj organizaciji Tužilaštva Bosne i Hercegovine. Dana, 21. 05. 2013. godine na snagu je stupio novi Pravilnik o unutrašnjoj organizaciji Tužilaštva Bosne i Hercegovine ("Službeni glasnik BiH" broj 36/13), kojim je zamijenjen raniji Pravilnik ("Službeni glasnik BiH", broj 31/10, 104/11, 83/12). Stupanjem na snagu novog pravilnika značajno je izmijenjena unutrašnja organizacija Tužilaštva. Naime, na osnovu analize obima i strukture poslova, ukazala se potreba za dodatnom koncentracijom i specijalizacijom poslova unutar tužilačkih odjela i uprave. U tom smislu, unutar tužilačkih odjela i odjela uprave formirani su odsjeci.

U Posebnom odjelu za organizirani kriminal, privredni kriminal i korupciju formirana su tri odsjeka, prema vrsti krivičnih djela iz okvira nadležnosti ovog Odjela, i to: Odsjek za organizirani kriminal i terorizam, Odsjek za privredni kriminal i Odsjek za korupciju. U svaki odsjek trebala su biti raspoređena po četiri tužioca. U toku godine u svakom odsjeku stalno su bila raspoređena po tri tužioca. Od septembra su u rad Odjela raspoređena još tri tužioca. Jedan tužilac je u cijelosti raspoređen na rad u Odjelu, a dva tužioca su raspoređena u rad ovog Odjela i Odjela za ratne zločine. Od decembra mjeseca u rad na predmetima iz ovog Odjela uključeno je još pet tužilaca iz Odjela za ratne zločine, tako da su ovi tužioci zaduženi, osim predmeta ratnih zločina, i sa manjim brojem predmeta organiziranog kriminala i korupcije, a po sistematizaciji nisu raspoređeni u Odjel za organizirani kriminal, privredni kriminal i korupciju. Rukovodilac Odjela ujedno je i rukovodilac Odsjeka za korupciju, dok su za rukovodioce druga dva odsjeka imenovana dva tužioca iz Odjela.

Tužilački timovi su bili popunjeni srazmjerno mogućnostima Tužilaštva i složenosti predmeta koje su imali u radu. Tokom 2013. godine u radu Odjela II sudjelovao je 1 stručni saradnik – savjetnik – pravnik, koji u predmetima iz nadležnosti Odjela II pruža stručnu pomoć svim timovima Odjela II i pojedinim timovima Odjela III koji su zaduženi sa predmetima iz nadležnosti Odjela II, 9 stručnih saradnika – pravnik, 7 stručnih saradnika – pravnik koji nisu radili cijelu godinu, a od kojeg broja su 2 stručna saradnika prestala raditi u Tužilaštvu Bosne i Hercegovine, 1 stručni saradnik – savjetnik istražilac, 3 stručna saradnika – istražioca, 2 stručna saradnika – koordinatora predmeta, od kojih je jedan radio u Odjelu samo kraći dio godine i 7 daktilografa.

Dakle, u okviru Odjela je devet tužilačkih timova bilo raspoređeno na rad u tri odsjeka do mjeseca septembra 2013. godine, te je od septembra Odjel popunjen sa još tri tužioca. U toku 2013. godine, u zbiru ukupnog bolovanja na kojem su bili pojedini tužioci ovog Odjela, ukupno odsustvovanje je trajalo oko 12 mjeseci za cijeli Odjel, tako da je po ovom osnovu u Odjelu nedostajao jedan tužilac.

### **2.2.1. STRUKTURA KRIVIČNIH DJELA U PREDMETIMA ODJELA II**

*Rad Odjela II usmjeren je na predmete koji zadovoljavaju usvojene interne kriterije, odnosno na ozbiljnije i kompleksnije predmete organiziranog kriminala, privrednog kriminala i korupcije, kao i predmete terorizma.*

*I dalje se najveći broj predmeta po kojima postupaju tužioci Posebnog odjela II odnosi na predmete koje Tužilaštvu BiH prosljeđuju agencije za provođenje zakona u BiH, ali postoji i određeni broj predmeta koji su ustupljeni na nadležnost od strane drugih tužilaštava iz Republike Srpske, Federacije BiH i Brčko distrikta, kao i predmeti koji su oformljeni na osnovu usmenih ili pismenih prijava građana.*

*Tužioci Odjela II su u 2013. godini podigli ukupno 56 optužnica prema 254 lica, od kojih je tokom izvještajnog perioda potvrđeno 49 prema 227 lica. Upoređujući ove podatke sa ostvarenim rezultatima rada Odjela II iz 2012. godine, kada su u pitanju podignute optužnice, evidentno je da su tužioci ovog Odjela tokom 2013. godine podigli 9 optužnica više u odnosu na predmete, te 66 više u odnosu na lica.*

*U odnosu na „KT“ predmete, u Odjelu II je iz prethodnog perioda u rad preneseno 136 prijava protiv 1.178 lica. U toku 2013. godine zaprimljene su nove 152 prijave protiv 934 lica. Dakle, u toku 2013. godine u Odjelu II je bilo u radu ukupno 288 prijava protiv 2.112 lica. U toku 2013. godine u odnosu na broj prijava u radu doneseno je 49 naredbi o nesprovođenju istrage protiv 211 lica, 69 naredbi o sprovođenju istrage protiv 526 lica, a 8 prijava protiv 67 lica riješeno je na drugi način. Dakle, u toku 2013. godine u odnosu na prijave u radu riješeno je ukupno 125 prijava protiv 804 lica, a ostale su neriješene 163 prijave protiv 1.308 lica.*

*U odnosu na „KTA“ predmete u Odjelu II je iz prethodnog perioda u rad preneseno ukupno 365 predmeta. U toku 2013. godine zaprimljeno je 239 novih predmeta. Dakle, u toku 2013. godine u Odjelu II su bila u radu ukupno 604 predmeta. U toku 2013. godine riješen je ukupno 281 KTA predmet, a ostala su neriješena 323 KTA predmeta.*

*U odnosu na „KTN“ predmete, u Odjelu II je iz prethodnog perioda u rad preneseno ukupno 10 predmeta. U toku 2013. godine zaprimljeno je 9 novih predmeta. Dakle, u toku 2013. godine u Odjelu II je bilo u radu ukupno 19 KTN predmeta. U toku 2013. godine riješena su ukupno 3 KTN predmeta, a ostalo je neriješeno 16 predmeta.*

*Odjel II je tokom izvještajnog perioda zaprimio 1 predmet protiv 1 lica sa oznakom „KTM“, dok su iz ranijeg perioda u radu ostala 2 predmeta protiv 2 lica. Tokom izvještajnog perioda riješen je 1 premet protiv jednog lica.*

*U toku 2013. godine u Odjelu II je iz ranijeg perioda preneseno ukupno 116 istraga protiv 862 lica. U toku 2013. godine otvoreno je novih 68 istraga protiv 526 lica. Dakle, u toku 2013. godine u Odjelu II su u radu bile 184 istrage protiv 1.388 lica po donesenim naredbama o sprovođenju istrage. U toku 2013. godine podignuto je 56 optužnica protiv 254 lica, doneseno 18 naredbi o*

obustavi istrage protiv 223 lica i 5 istraga protiv 24 lica je riješeno na drugi način. Dakle, u toku 2013. godine u Odjelu je riješeno ukupno 79 istraga po naredbi o sprovođenju istrage protiv 501 lica. Dakle, na kraju 2013. godine u Odjelu II je ostalo u radu 105 istraga po donesenim naredbama o sprovođenju istrage protiv 887 lica.

Nadalje, u periodu od 01. 01. do 31. 12. 2013. godine u Odjelu II zaprimljeno je 258 „KTA“ predmeta, što u poređenju sa 2012. godinom čini 48 predmeta manje. U istom periodu zaprimljeno je 9 „KTN“ predmeta, koji broj je u odnosu na prošlogodišnji priliv ove vrste predmeta veći za 9 predmeta. U posmatranom periodu zaprimljeno je i 15 predmeta oznake „KTPOM-KTEKS“ protiv 34 lica. U navedenom periodu zaprimljen je i 1 predmet oznake „KTM“ protiv 1 lica, što predstavlja povećanje u odnosu na 2012. godinu u kojoj nije zaprimljen niti jedan predmet oznake „KTM“.

U Odjelu II je u toku 2013. godine povećan broj neriješenih prijava sa 136 na 163. Dakle, povećan je za 27 prijava. Istovremeno je u toku 2013. godine smanjen broj neriješenih istraga sa 116 na 105. Dakle, broj neriješenih istraga je smanjen za 11 istraga. Istovremeno je u toku 2013. godine povećan broj podignutih optužnica sa 47 na 56. Dakle, povećan je broj podignutih optužnica za 9. Razlozi za povećanje broja neriješenih prijava su u povećanom broju primljenih prijava u odnosu na broj tužilaca koji je u toku 2013. godine bio raspoređen na rad u ovom Odjelu. Na rad u ovom Odjelu do septembra 2013. godine bilo je raspoređeno 9 tužilaca kada je broj povećan za tri, pa je od tog momenta u Odjelu radilo ukupno 12 tužilaca. Tek u posljednjem kvartalu godine na rad u Odjel su raspoređena još tri tužioca. Unatoč ovoj činjenici, postignuti su veći rezultati u odnosu na broj riješenih istraga i broj podignutih optužnica u odnosu na prethodnu godinu.

U odnosu na rezultate rada na predmetima korupcije, Odjel II i Odjel III su u 2013. godini u rad zaprimili 88 prijava protiv 250 lica, dok je iz ranijeg izvještajnog perioda u radu ovih odjela bilo 66 prijava protiv 224 lica. Tokom izvještajnog perioda tužioci Odjela II i Odjela III su riješili 79 prijava protiv 212 lica. Riješeno je 27 istraga protiv 43 lica, podignuto 9 optužnica protiv 18 lica. Na drugi način je riješeno 12 prijava protiv 47 lica. Na kraju izvještajnog perioda ostalo je neriješenih 75 prijava protiv 262 lica.

U odnosu na rezultate rada na predmetima organizovanog kriminala, Odjel II i djelimično Odjel III u 2013. godini su u rad zaprimili 40 prijava protiv 605 lica, dok su iz ranijeg izvještajnog perioda u Odjelu II i djelimično Odjelu III bile 24 prijave protiv 732 lica. Tokom izvještajnog perioda tužioci Odjela II i djelimično Odjela III su riješili 46 prijava protiv 587 lica. Riješene su 32 istrage protiv 410 lica, podignuto 27 optužnica protiv 213 lica. Na drugi način su riješene 3 prijave protiv 47 lica. Na kraju izvještajnog perioda ostalo je neriješenih 28 prijava protiv 750 lica.

Nadalje, tužioci Odjela II su predložili Sudu Bosne i Hercegovine prihvatanje sporazuma o priznanju krivice sa 109 optuženih lica u 25 predmeta, od čega je Sud Bosne i Hercegovine u toku posmatranog perioda prihvatio sporazume sa 88 optuženih lica u 22 predmeta.


Pravosnažne zatvorske kazne izrečene su u 15 predmeta u odnosu na 47 lica, uslovne kazne izrečene su u 10 predmeta protiv 50 lica, dok je novčana kazna izrečena u 2 predmeta protiv 4 lica, te pravosnažna kazna prestanka pravnog lica protiv 9 pravih lica.

*Donesene su oslobađajuće presude u 3 predmeta protiv 5 lica, te odbijajuće u odnosu na 7 lica. U odnosu na sve donesene presude, tužioci Posebnog odjela II su uložili žalbe u ukupno 5 predmeta u odnosu na 13 lica, od kojeg broja je uvažena žalba u 4 predmeta u odnosu na 9 lica, a 1 žalba u odnosu na 4 lica je odbijena.*

*U toku posmatranog perioda u predmetima Odjela II, izrečene su pravosnažne kazne zatvora u ukupnom trajanju od 157 godina i 9 mjeseci, pravosnažne novčane kazne kao glavne ili sporedne u ukupnom iznosu od 257.900,00 KM, te je pravosnažno oduzeta protivpravno stečena imovinska korist u ukupnom iznosu od 615.908,56 KM, 7.320,00 dinara i 93.525,00 eura.*

*Odjel je započeo posmatrati period sa ukupno 116 istraga protiv 862 lica i 136 prijava protiv 1.178 lica, dok je u toku posmatranog perioda otvoreno novih 69 istraga protiv 526 lica, a zaprimljene su 152 prijave protiv 934 lica.*

*U toku 2013. godine tužioci ovog Odjela pristupili su na 572 ročišta pred Sudom Bosne i Hercegovine, koja ročišta su ukupno trajala 1.700 sati. Saslušano je ukupno 366 svjedoka u Tužilaštvu Bosne i Hercegovine, koja saslušanja su trajala ukupno 645 sati. Ispitana su ukupno 382 osumnjičena lica u Tužilaštvu Bosne i Hercegovine, koja ispitivanja su trajala 646 sati. Sastanci vezani za rad na predmetima trajali su ukupno 1.168 sati.*




*Slika 6. Pregled procesnih odluka u Posebnom odjelu za organizirani kriminal, privredni kriminal i korupciju u 2013. godini*

**2.2.1.2. OSTALE VRSTE PREDMETA**

Pored navedenog, Odjel II je u toku 2013. godine radio na 604 KTA predmeta, iz prethodne godine je preneseno 365 predmeta, riješen je 281 predmet, zaprimljeno je 239 novih predmeta, te su neriješena ostala 332 predmeta.

Kada je riječ o KTN predmetima, u toku 2013. godine je zaprimljeno 9 novih predmeta, te je na kraju izvještajnog perioda ostalo ukupno 16 neriješenih predmeta.



Slika 7. Pregled KTA, KTPOM, KTN i KTM predmeta u Posebnom odjelu za organizirani kriminal, privredni kriminal i korupciju u 2013. godini



**STRUKTURA KRIVIČNIH DJELA ZA KOJA JE PODIGNUTO 47 OPTUŽNICA PROTIV 188  
LICA**

<i>KRIVIČNO DJELO PROPISANO KRIVIČNIM ZAKONOM BOSNE I HERCEGOVINE</i>	<i>BROJ PODIGNUTIH OPTUŽNICA</i>
	<i>predmeti/lica</i>
<i>Krijumčarenje ljudi, član 189.</i>	3/4
<i>Neovlašteni promet oružjem i vojnom opremom te proizvodima dvojne upotrebe, član 193.</i>	2/4
<i>Neovlašteni promet opojnim drogama, član 195.</i>	10/23
<i>Krivotvorenje novca, član 205.</i>	4/9
<i>Porezna utaja ili prevara, član 210.</i>	5/9
<i>Krijumčarenje, član 214.</i>	3/4
<i>Organizovanje grupe ljudi ili udruženja za krijumčarenje ili rasturanje neocarinjene robe, član 215. KZ BiH</i>	4/31
<i>Carinska prevara. član 220. KZ BiH</i>	1/2
<i>Zloupotreba položaja ili ovlaštenja, član 216. KZ BiH</i>	2/2
<i>Nesavjestan rad u službi, član 224. KZ BiH</i>	1/3
<i>Nedozvoljen promet akciznih proizvoda, član 210a. KZ BiH</i>	1/1
<i>Pripremanje krivičnog djela, krivotvorenje novca, neovlašten promet opojnim drogama, član 248. KZ BiH – 205. KZ BiH – 195. KZ BiH</i>	1/1
<i>Udruživanje radi činjenja krivičnih djela, pranje novca, član 249. KZ BiH</i>	1/7
<i>Teško ubistvo, pomaganje, 140. – 25. KZ RS</i>	1/32
<i>Organizirani kriminal, trgovina ljudima, član 250. – 189. KZ BiH</i>	1/5
<i>Organizirani kriminal, krijumčarenje ljudi, član 250. – 189. KZ BiH</i>	4/38
<i>Organizirani kriminal, neovlašten promet opojnim drogama, član 250. – 195. KZ BiH</i>	7/20
<i>Organizirani kriminal, pranje novca, član 250. – 209. KZ BiH</i>	1/23
<i>Organizirani kriminal, carinska prevara, član 250. – 216. KZ BiH</i>	1/27
<i>Ubistvo, član 166. KZ FBiH</i>	1/1
<i>Krivotvorenje znakova za obilježavanje robe, mjera, utega, član 259. KZ FBiH</i>	1/1
<i>Zloupotreba položaja ili ovlaštenja, član 383. KZ FBiH</i>	1/7
<b>UKUPNO:</b>	<b>56/254</b>

### **2.2.2. PROBLEMI U RADU ODJELA II**

*Problemi Odjela II uočeni u toku 2013. godine, a koji dobrim dijelom potiču i iz ranijeg perioda, ogledaju se u sljedećem:*

- prostorna distanca velikog broja svjedoka (otežan dolazak svjedoka), iz razloga što se u Odjelu II rade veoma kompleksni predmeti u kojima se saslušava veliki broj svjedoka koji borave na području cijele Bosne i Hercegovine a nerijetko i u drugim državama, te je otežan dolazak istih u cilju svjedočenja;*
- problemi vještačenja u složenim predmetima iz razloga što u dosta predmeta koji su u radu Odjela II tužiocima nisu u mogućnosti pronaći adekvatne sudske vještake, te se često angažuju vještaci iz inostranstva, što predstavlja velike troškove za Tužilaštvo BiH zbog gore navedenog;*
- Odjel II Tužilaštva Bosne i Hercegovine pokriva rad na najslabijim predmetima organizovanog kriminala, korupcije, privrednog kriminala i terorizma, stoga je neophodno edukovati tužioce, stručne savjetnike, stručne saradnike i istražioce, a Tužilaštvo Bosne i Hercegovine, zbog nedostatka sredstava, nije u mogućnosti plaćati odlazak na edukacije u dovoljnoj mjeri;*
- nedostatak kancelarijskog prostora koji se indirektno odražava na produktivnost osoblja;*
- nedovoljan i neadekvatan prostor za čuvanje aktivnih spisa, kao i arhiviranje završenih spisa, te pohranjivanje privremeno oduzetih predmeta i drugog dokaznog materijala.*

## **2.3. ODJEL III**

### **2.3.1. KADROVSKA STRUKTURA ODJELA III**

*Odjel III Tužilaštva BiH je i u 2013. godini zadržao dosadašnju strukturu i formu u radu, što znači da u ovom Odjelu ne postoje formirani timovi, tužiocima samostalno funkcioniraju uz pomoć stručnih savjetnika i stručnih saradnika - pravnika, s tim da se zakazuju kolegiji tužilaca na kojima tužiocima međusobno ostvaruju saradnju razmjenom mišljenja i iskustva u radu, te zajednički prevazilaze probleme sa kojima su suočeni u radu po zaduženim predmetima.*

*U posmatranom izvještajnom periodu, Odjel III je ostao odjel sa najmanjim brojem tužilaca, koji se iz godine u godinu smanjuje, a istovremeno odjel s najvećim prilivom predmeta, te najvećim brojem riješenih predmeta.*

*Može se reći da su predmeti u ovom Odjelu tokom 2013. godine raspoređivani u rad na četiri tužioca i jednog zamjenika rukovodioca Odjela, budući da je rukovodilac Odjela III - jedan od zamjenika glavnog tužioca, tokom prvih pet mjeseci 2013. godine bio član VSTV-a BiH, a time i često angažovan na poslovima u radu tog Vijeća, da bi u junu bio imenovan na funkciju potpredsjednika VSTV-a BiH. Pored navedenog, jedan tužilac Odjela III je zbog odlaska na drugo radno mjesto bio angažovan u radu na predmetima ovog Odjela samo tokom januara 2013. godine. Istovremeno je u februaru Odjel popunjen sa jednim novim tužiocem. Nadalje, jedan od tužilaca Odjela III je u septembru preraspoređen u Odjel II, čime je broj tužilaca angažovanih u radu Odjela III, od tog perioda, smanjen na svega pet tužilaca, imajući u vidu da ovaj tužilac u drugoj polovini 2013. godine nije zaduživao nove predmete iz Odjela III.*

*Pored navedenog, s obzirom na duga i česta odsustva tužilaca ovog Odjela zbog bolovanja i dr., u ukupnom trajanju od 349 radnih dana, može se reći da su samo četiri tužioca u izvještajnom periodu bila angažovana u radu na predmetima Odjela.*

*Broj stručnih savjetnika koji su pomoć u radu pružali tužiocima Odjela III je u odnosu na 2012. godinu ostao nepromijenjen, što znači da je stručnu pomoć u radu na KT predmetima i KTPO predmetima, tj. predmetima iz privrede i jedinstva tržišta, te oblasti carina, tužiocima pružao jedan stručni savjetnik ekonomske struke, koji je istovremeno pomoć pružao i tužiocima Odjela II, te jedan stručni savjetnik - pravnik, koji zbog bolovanja nije bio angažovan u radu na predmetima Odjela III u posljednjem kvartalu 2013. godine.*

*Pored navedenog, u Odjelu III je tokom 2013. godine bilo raspoređeno šest stručnih saradnika - pravnika, međutim, podršku u radu tužiocima ovog Odjela su tokom izvještajnog perioda pružala samo tri stručna saradnika - pravnika, zbog bolovanja ostalih. Jedan od stručnih saradnika - pravnika je u septembru preraspoređen u Odjel II, zajedno sa naprijed navedenim tužiocem.*

*Od januara 2013. godine u Odjelu III su bila raspoređena 4 pripravnika i 2 volontera. Broj daktilografa smanjen je sa šest na pet, jer je jedan daktilograf zajedno sa tužiocem i stručnim*

saradnikom - pravnikom u septembru preraspoređen u Odjel II. Od navedenih pet daktilografa, jednog daktilografa su tokom 2013. godine dijelili tužilac Odjela III i tužilac Odjela II.



Slika 8. Organizaciona šema Odjela III

### **2.3.2. RASPODJELA PREDMETA U ODJELU III**

Što se tiče vrste i strukture krivičnih djela u predmetima po kojima postupa Odjel III, Internim kriterijima za raspodjelu predmeta unutar odjela Tužilaštva BiH koji datiraju od 30. 06. 2009. godine, određeno je da su u nadležnosti Odjela III sljedeći predmeti:

1. Predmeti svih krivičnih djela iz nadležnosti Tužilaštva BiH osim:
  - krivičnih djela djelokruga rada Posebnog odjela za ratne zločine u smislu člana II Internih kriterija za raspodjelu predmeta od 30. 06. 2009. godine;
  - krivičnih djela iz djelokruga rada Posebnog odjela za organizirani kriminal, privredni kriminal i korupciju u smislu izmjena Internih kriterija od 30. 06. 2009. godine.
2. Predmeti po krivičnim djelima korupcije koja počine službena lica i odgovorna lica, a koja nisu visoki zvaničnici niti odgovorna lica s najvišim funkcijama u privrednom društvu ili drugim pravnim licima u smislu tačke 3. člana III ovih kriterija,
3. Predmeti u vezi zahtjeva za izručenje, molbi za pružanje pravne pomoći i pitanja iz oblasti međunarodne pravne pomoći i saradnje.

*U cilju pojašnjenja naprijed navedenog, neophodno je istaći da Odjel III radi na svim predmetima iz nadležnosti Tužilaštva BiH, uključujući i neke predmete iz organiziranog kriminala koje glavni tužilac svojom odlukom signira u rad tužiocima ovog Odjela. Nadalje, imovinski cenzus odlučan za raspodjelu predmeta u rad Odjelu III, u odnosu na krivična djela iz glave XVIII Krivičnog zakona BiH, tj. krivična djela protiv privrede, jedinstva tržišta, te krivična djela iz oblasti carine, ne prelazi iznos od 1.000.000,00 KM.*

*Kada su u pitanju krivična djela povrede autorskih prava iz glave XXI Krivičnog zakona BiH, imovinska vrijednost pribavljena izvršenjem navedenog krivičnog djela također ne prelazi iznos od 1.000.000,00 KM.*

*U skladu sa gore navedenim kriterijima u nadležnosti Odjela III su i predmeti trgovine ljudima iz člana 186. Krivičnog zakona BiH i krijumčarenje ljudi iz člana 189. Krivičnog zakona BiH, uvijek kada je u iste involvirano manje od 10 žrtava trgovine ljudima ili krijumčarenih lica, isključujući s tim u vezi predmete nastale kao posljedica izvršenja krivičnih djela pod izuzetno otežavajućim ili posebnim okolnostima.*

*Nadalje ističemo, kao i prethodnih godina, Interni kriteriji su uzrok znatnog priliva predmeta u Odjel III Tužilaštva BiH, s obzirom da se povećao imovinski cenzus u predmetima krivičnih djela protiv privrede i jedinstva tržišta, krivičnih djela iz oblasti carina i krivičnih djela povrede autorskih prava, koji su prema ranije uspostavljenim internim kriterijima za raspodjelu predmeta od 20. 07. 2007. godine, inače raspoređivani u rad Posebnom odjelu za organizirani kriminal, privredni kriminal i korupciju.*

*Pored navedenog, povećanje broja krijumčarenih lica u svim predmetima u odnosu na krivično djelo krijumčarenje ljudi iz člana 189. KZ-a BiH, jednim dijelom doprinijelo je također dodatnom prilivu predmeta ove vrste u Odjelu III, a što se u konačnici odrazilo i na ukupan broj predmeta u radu ovog Odjela.*

*U skladu sa novim Pravilnikom o unutrašnjoj organizaciji Tužilaštva BiH (Službeni glasnik BiH, broj 36/13), u okviru Odjela III formirana su dva odsjeka i to: Odsjek za međunarodnu pravnu pomoć i Odsjek za ostala krivična djela iz nadležnosti Odjela III.*

*Važno je istaći da odlukom zamjenika rukovodioca Odjela III, zbog malog broja tužilaca u Odjelu i čestih odsustvovanja u vidu bolovanja i dr., sve predmete iz nadležnosti oba odsjeka Odjela III rade svi tužiocima tog Odjela.*

### **2.3.3. AKTIVNOSTI U PREDMETIMA PRUŽANJA MEĐUNARODNE PRAVNE POMOĆI**

*Bitno je naglasiti postupanje Odjela III po predmetima naprijed naznačenim pod red. br. 3, odnosno, predmetima koji se tiču pružanja međunarodne pravne pomoći i izvršenja međunarodnih ugovora u krivičnopravnim stvarima, tj. predmetima izručenja osumnjičenih, optuženih i osuđenih lica (KTPOM, KTEKS predmeti). Naime, ovdje se radi o vrlo značajnim predmetima koji predviđaju provođenje postupka ekstradicije, preuzimanje krivičnog gonjenja od strane države, preuzimanje izvršenja krivičnih sankcija izrečenih u drugim državama od strane Bosne i Hercegovine, te pružanje pravne pomoći u smislu provođenja istražnih radnji (prikupljanja dokaza, saslušanja svjedoka i sl.).*

*U ovim predmetima postupa se u skladu sa konvencijama koje je ratifikovala Bosna i Hercegovina, te u skladu sa međunarodnim bilateralnim, odnosno multilateralnim sporazumima koje je Bosna i Hercegovina potpisala sa drugim državama, usljed čega je pružanje pravne pomoći i stvarna obaveza za Bosnu i Hercegovinu.*

*U radu po ovim predmetima pored Zakona o međunarodnoj pravnoj pomoći u krivičnim stvarima i Zakona o izmjenama i dopunama Zakona o međunarodnoj pravnoj pomoći u krivičnim stvarima direktno se primjenjuju i međunarodne konvencije i to:*

- *Evropska konvencija o međusobnom pružanju pravne pomoći u krivičnim stvarima, Strazbur, 20. 04. 1959. godine;*
- *Dodatni protokol Evropskoj konvenciji o uzajamnoj pomoći u krivičnim stvarima, Strazbur, 17. 03. 1978. godine;*
- *Evropska konvencija o ekstradiciji, Pariz, 13. 12. 1957. godine;*
- *Dodatni protokol uz Evropsku konvenciju o ekstradiciji, Strazbur, 15. 10. 1975. godine;*
- *Drugi dodatni protokol uz Evropsku konvenciju o ekstradiciji, Strazbur, 17. 03. 1978. godine;*
- *Evropska konvencija o prenosu postupka u krivičnim stvarima, Strazbur, 15. 03. 1972. godine;*
- *Evropska konvencija o transferu osuđenih lica, Strazbur, 21. 03. 1983. godine;*
- *Evropska konvencija o obavještenju o stranom pravu, London, 07. 06. 1968. godine;*
- *Konvencija o centru za provođenje zakona u jugoistočnoj Evropi, Bukurešt 26. 05. 1999. godine.*

*Osim navedenih konvencija, Bosna i Hercegovina je notifikacijom o sukcesiji preuzela veliki broj međunarodnih bilateralnih ugovora o pravnoj pomoći.*

*- Od posebne važnosti za Bosnu i Hercegovinu je ratifikacija Ugovora o autorskom pravu Svjetske organizacije za intelektualno vlasništvo usvojenog na Diplomatskoj konferenciji dana, 20. 01. 1996. godine, s obzirom da je u Bosni i Hercegovini iz godine u godinu evidentan porast krivičnih djela povrede autorskih prava.*

### **2.3.4. ZAPRIMLJENI PREDMETI, PREDMETI U RADU, KAO I OKONČANI PREDMETI ODJELA III**

#### **2.3.4.1.. KT PREDMETI**

*Odjel III je u 2013. godini imao u radu ukupno 521 KT prijavu protiv 1.047 lica, pri čemu je iz ranijih godina preneseno 207 KT prijava protiv 454 lica, dok je tokom 2013. godine zaprimljeno 314 prijava protiv 593 lica. Upoređujući broj primljenih KT prijava u 2013. godini sa brojem primljenih KT prijava tokom 2012. godine, evidentno je da je u 2013. godini bio veći priliv KT prijava za 28 predmeta prema 83 lica.*

*Odjel III je tokom 2013. godine riješio 351 KT prijavu prema 647 lica, odnosno, donio 181 naredbu o sprovođenju istrage protiv 309 lica, 135 naredbi o nesprovođenju istrage protiv 258 lica, te na drugi način riješio 35 prijava prema 80 lica, a što u odnosu na riješene prijave iz 2012. godine, čini više za 82 u odnosu na predmete, te više za 175 u odnosu na lica. Procentualno iskazano, Odjel III je u 2013. godini riješio 67% KT prijava.*

*Na kraju 2013. godine u Odjelu III ostala je neriješena 171 KT prijava protiv 401 lica, što u poređenju sa 2012. godinom, predstavlja manje za 38 KT predmeta protiv 64 lica, imajući u vidu da je u 2013. godinu iz 2012. godine preneseno 209 neriješenih KT prijava protiv 465 lica.*

*Pored navedenog, Odjel III je u 2013. godini imao u radu ukupno 324 istrage protiv 576 lica, pri čemu su iz ranijih godina prenesene 143 istrage protiv 278 lica, dok je tokom 2013. godine otvorena 181 istraga protiv 309 lica. Upoređujući broj pisanih istraga u 2013. godini sa brojem pisanih istraga tokom 2012. godine, evidentno je da je u 2013. godini otvorena 1 istraga manje u odnosu na predmete, dok je istovremeno broj otvorenih istraga u odnosu na osumnjičena lica veći za 17.*

*Što se tiče riješenih istraga, Odjel III je u 2013. godini u odnosu na 2012. godinu riješio 59 predmeta više prema 142 lica, s obzirom da je tokom posmatranog perioda riješeno 230 istraga prema 386 lica, odnosno, budući da je u izvještajnom periodu podignuto 120 optužnica protiv 166 lica, doneseno 107 obustava protiv 210 lica, te je istraga riješena na drugi način u 3 predmeta protiv 10 lica. Procentualno iskazano, Odjel III je u 2013. godini riješio 70,1% istraga.*

*Na dan 31. 12. 2013. godine u Odjelu III su ostale 94 neriješene istrage protiv 190 lica, što u poređenju sa prošlom godinom čini 49 neriješenih istraga manje u odnosu na predmete, te 88 neriješenih istraga manje u odnosu na lica, jer su u 2012. godini ostale 143 neriješene istrage protiv 278 lica.*

*Nadalje, činjenica je da u Odjelu III, kao i prethodne godine, postoji veliki broj predmeta u kojima je potrebno da se provedu neophodna vještačenja kada su u pitanju pojedina krivična djela u predmetima privrednog kriminala, zbog njihove složenosti, isti obično traju duži vremenski period, što nužno za posljedicu ima probijanje navedenog šestomjesečnog roka zakonom određenog za okončanje istrage.*

## INFORMACIJA O RADU 2013

Osim navedenog, s obzirom da je među prijavljenim licima – počiniocima navedene vrste krivičnih djela, veliki broj državljana NR Kine, veliki problem u radu također predstavlja i nedostatak prevodioca kineskog jezika, a često i nedostupnost tih stranih državljana ovom Tužilaštvu, koji u velikom broju slučajeva nakon učinjenja nekog od naprijed navedenih krivičnih djela, u cilju izbjegavanja krivične odgovornosti, napuštaju teritoriju Bosne i Hercegovine, uništavajući prethodno svu dokumentaciju o poslovanju, a time i dokaze neophodne za dokumentovanje prijavljenog krivičnog djela.

Upoređujući ostvarene rezultate rada Odjela III u 2013. godini sa onim ostvarenim tokom 2012. godine, kada su u pitanju podignute optužnice, evidentno je da su tužioci ovog Odjela tokom 2013. godine podigli 3 optužnice više u odnosu na predmete, te 25 više u odnosu na lica, jer je u 2012. godini podignuto 117 optužnica protiv 141 lica, a tokom 2013. godine, kako je već navedeno, 120 optužnica protiv 166 lica. Struktura krivičnih djela podignutih optužnica u 2013. godini je sljedeća:


<i>Red. br.</i>	<i>Naziv krivičnog djela</i>	<i>Broj podignutih optužnica po predmetima</i>	<i>Broj podignutih optužnica po licima</i>
<b>1.</b>	<i>Povreda tuđeg žiga član 149. Zakona o industrijskom vlasništvu u BiH</i>	<b>1</b>	<b>2</b>
<b>2.</b>	<i>Krijumčarenje ljudi član 189. Krivičnog zakona BiH</i>	<b>7</b>	<b>10</b>
<b>3.</b>	<i>Ugrožavanje osobe pod međunarodnopravnom zaštitom član 192. Krivičnog zakona BiH</i>	<b>1</b>	<b>1</b>
<b>4.</b>	<i>Neovlašteni promet oružjem i vojnom opremom te proizvodima dvojne upotrebe član 193. Krivičnog zakona BiH</i>	<b>2</b>	<b>3</b>
<b>5.</b>	<i>Krivotvorenje novca član 205. Krivičnog zakona BiH</i>	<b>37</b>	<b>49</b>
<b>6.</b>	<i>Porezna utaja ili prevara član 210. Krivičnog zakona BiH</i>	<b>18</b>	<b>22</b>
<b>7.</b>	<i>Neplaćanje poreza član 211. Krivičnog zakona BiH</i>	<b>1</b>	<b>1</b>
<b>8.</b>	<i>Krijumčarenje član 214. Krivičnog zakona BiH</i>	<b>8</b>	<b>13</b>
<b>9.</b>	<i>Carinska prevara član 216. Krivičnog zakona BiH</i>	<b>4</b>	<b>4</b>
<b>10.</b>	<i>Primanje dara i drugih oblika koristi član 217. Krivičnog zakona BiH</i>	<b>2</b>	<b>3</b>
<b>11.</b>	<i>Davanje dara i drugih oblika koristi član 218. Krivičnog zakona BiH</i>	<b>2</b>	<b>2</b>
<b>12.</b>	<i>Zloupotreba položaja ili ovlaštenja član 220. Krivičnog zakona BiH</i>	<b>1</b>	<b>1</b>
<b>13.</b>	<i>Ometanje rada pravosuđa član 241. Krivičnog zakona BiH</i>	<b>1</b>	<b>1</b>
<b>14.</b>	<i>Nedozvoljeno korištenje autorskih prava član 243. Krivičnog zakona BiH</i>	<b>25</b>	<b>25</b>
<b>15.</b>	<i>Izazivanje nacionalne, rasne i vjerske mržnje, razdora i netrpeljivosti član 145a. Krivičnog</i>	<b>1</b>	<b>3</b>



INFORMACIJA O RADU 2013

	<i>zakona BiH</i>		
<b>16.</b>	<i>Nezakonito uskraćivanje identifikacionih dokumenata član 149a. Krivičnog zakona BiH</i>	<b>1</b>	<b>1</b>
<b>17.</b>	<i>Nedozvoljen promet akciznih proizvoda član 210a. Krivičnog zakona BiH</i>	<b>5</b>	<b>11</b>
<b>18.</b>	<i>Nedozvoljeno skladištenje robe član 210b. Krivičnog zakona BiH</i>	<b>1</b>	<b>1</b>
<b>19.</b>	<i>Sprečavanje službenog lica u vršenju službene radnje član 241a. Krivičnog zakona BiH</i>	<b>1</b>	<b>1</b>
<b>20.</b>	<i>Organizirani kriminal u vezi sa krijumčarenjem ljudi član 250. u vezi člana 189. Krivičnog zakona BiH</i>	<b>1</b>	<b>12</b>

*Zaključno sa 31. 12. 2013. godine, Sud Bosne i Hercegovine je potvrdio 113 optužnica protiv 157 lica. Tokom posmatranog perioda, tužioci Odjela III su u 55 predmeta zaključili Sporazum o priznanju krivice sa 80 lica, koji su tokom posmatranog perioda od strane Suda Bosne i Hercegovine prihvaćeni u 58 predmeta prema 69 lica, dok je u 2 predmeta protiv 3 lica sporazum odbijen. Podizanje optužnica tokom 2013. godine rezultiralo je izricanjem 94 presude u odnosu na 117 lica, od kojih je 89 bilo osuđujućih prema 109 lica i to: u 19 predmeta prema 23 lica izrečena je zatvorska kazna u ukupnom trajanju od 24 godine, 10 mjeseci i 15 dana, pri čemu su se pojedinačno izrečene zatvorske kazne kretale u rasponu od 15 dana do 2 godine. Zatim, u 11 predmeta prema 12 lica je izrečena novčana kazna i to kao glavna kazna u ukupnom novčanom iznosu od 50.250 KM, a kao sporedna kazna u ukupnom novčanom iznosu od 83.500,00 KM. Uslovna osuda je izrečena u 57 predmeta prema 72 lica, a mjera bezbjednosti u 2 predmeta prema 2 lica. U posmatranom periodu oduzeta je imovinska korist pribavljena izvršenjem krivičnih djela u ukupnom novčanom iznosu od 1.043.951,52 KM i 450,00 €. Tokom 2013. godine Sud Bosne i Hercegovine je donio 5 oslobađajućih presuda u odnosu na 7 lica, dok je u 1 predmetu prema 1 licu Sud Bosne i Hercegovine donio odbijajuću presudu. Nezadovoljni donesenim odlukama Suda Bosne i Hercegovine, tužioci ovog Odjela su uložili 11 žalbi (u odnosu na 14 lica), od kojih je 7 uvaženo (prema 8 lica), 9 žalbi je odbijeno (prema 14 lica).*



Slika 9. Pregled tužilačkih odluka u KT predmetima Odjela III u 2013. godini

*U posmatranom periodu potrebno je naglasiti da je konačnim tužilačkim odlukama riješeno ukupno 400 predmeta protiv 742 lica, što u poređenju sa 2012. godinom čini više za 142 u odnosu na predmete, te više za 318 u odnosu na lica.*

#### **2.3.4.2. KTA PREDMETI**

*Veće ostvarene rezultate rada u izvještajnom periodu Odjel III bilježi i kada su u pitanju riješeni predmeti s oznakom „KTA“. Naime, u posmatranom periodu od ukupno 613 predmeta, riješeno je 467 predmeta sa ovom oznakom, što u poređenju sa prošlom godinom predstavlja 96 predmeta više, budući da je u 2012. godini riješen 371 predmet ove oznake. Priliv predmeta oznake KTA u periodu od 01. 01. do 31. 12. 2013. godine u Odjelu III je manji za 72 predmeta, s obzirom da su tokom 2013. godine zaprimljena 352 „KTA“ predmeta, dok su tokom 2012. godine zaprimljena 424 predmeta.*

*Kada su u pitanju predmeti oznake „KTA“ treba imati u vidu činjenicu da navedeni predmeti zahtijevaju posebnu pažnju tužilaca, budući da se u predmetima sa ovom oznakom zavode revizorski izvještaji, neizvršenje presuda Ustavnog suda BiH te događaji nakon izvršenih izbora u BiH za koje postoji osnov sumnje da mogu biti kvalifikovani kao izborne prevare i zloupotreba biračkog prava, a budući da izvještaji za ove informacije i općenito ulazne informacije u Tužilaštvo BiH ne dostavljaju agencije za provođenje zakona nego razni organi i institucije, u istim se, u cilju utvrđivanja da li određeni događaji uopće predstavljaju krivično djelo, provodi niz istražnih radnji koje nerijetko traju duži period. U nekim od KTA predmeta su tokom 2013. godine provedene posebne istražne radnje, koje s obzirom na njihovu složenost, također zahtijevaju posebnu pažnju u radu tužilaca, kao*

*i više vremena za njihovo okončanje. Procentualno iskazano, Odjel III je u 2013. godini riješio 76% KTA predmeta.*

#### **2.3.4.3. PREDMETI PRUŽANJA MEĐUNARODNE PRAVNE POMOĆI U KRIVIČNIM STVARIMA (KTPOM, KTEKS)**

*U posmatranom periodu Odjel III je imao u radu ukupno 196 predmeta oznake „KTPOM-KTEKS“ protiv 320 lica, pri čemu je iz 2012. godine preneseno 55 predmeta protiv 92 lica, dok je tokom posmatranog izvještajnog perioda zaprimljen 141 predmet protiv 227 lica. Priliv predmeta ove oznake je u 2013. godini veći u odnosu na 2012. godinu za 13 predmeta protiv 43 lica. Istovremeno, broj riješenih predmeta navedene oznake je veći u odnosu na prošlu godinu i to, u odnosu na predmete za 47, a u odnosu na lica za 97, jer su u posmatranom periodu riješena ukupno 154 predmeta prema 242 lica, a u 2012. godini, 107 predmeta protiv 145 lica. Razlog za povećanje broja riješenih predmeta ove oznake se ogleda u tome što su isti u izvještajnom periodu bili raspoređivani u rad svim tužiocima Odjela III, dok je tokom 2012. godine u radu na „KTPOM-KTEKS“ predmetima bio angažovan samo jedan tužilac. Na kraju izvještajnog perioda u Odjelu III su ostala 42 neriješena predmeta ove oznake, protiv 78 lica. Procentualno iskazano, Odjel III je u 2013. godini riješio 79% KTA predmeta.*

#### **2.3.4.4. KTM PREDMETI**


*U periodu od 01. 01. do 31. 12. 2013. godine Odjel III je imao u radu ukupno 10 „KTM“ predmeta protiv 11 lica, pri čemu su iz ranijih godina prenesena 2 predmeta protiv 2 lica, dok je tokom 2013. godine zaprimljeno 8 predmeta protiv 9 lica. Broj riješenih „KTM“ predmeta tokom 2013. godine je u Odjelu III brojčano neznatno manji, i to u odnosu na predmete, manji za 2, a u odnosu na lica, manji za 6 lica, s obzirom da je tokom 2013. godine riješeno 6 predmeta prema 7 maloljetnih lica, a tokom 2012. godine 8 predmeta prema 13 maloljetnih lica. Procentualno iskazano, Odjel III je u 2013. godini riješio 60% KTM predmeta.*

#### **2.3.4.5. KTN PREDMETI**

*Tužioci Odjela III su u 2013. godini, od ukupno 103 „KTN“ predmeta, riješili 75 predmeta, odnosno, 57 predmeta ove oznake više nego tokom 2012. godine, s obzirom da je prošle godine riješeno 18 predmeta. U istom periodu zaprimljena su 74 „KTN“ predmeta, koji broj je u odnosu na prošlogodišnji priliv ove vrste predmeta veći za 42 predmeta. Na kraju posmatranog perioda, u Odjelu III je ostalo 28 neriješenih predmeta ove oznake. Procentualno iskazano, Odjel III je u 2013. godini riješio 73% KTN predmeta.*

### 2.3.4.6. A PREDMETI

Odjel III je u 2013. godini imao u radu ukupno 157 A predmeta, od kojih su u toku 2013. godine riješena 142 predmeta, dok je u 2014. godinu preneseno 15 neriješenih predmeta. Procentualno iskazano, Odjel III je u 2013. godini riješio 90% A predmeta.



Slika 10. Pregled KTA, KTM, KTN, KTPOM/KTEKS i A predmeta u Odjelu III u 2013. godini

### 2.3.4.7. UKUPAN RAD NA RAZNIM PREDMETIMA

Vrijedno je istaći da je konačnim tužilačkim odlukama Odjela III, tokom posmatranog izvještajnog perioda, riješeno ukupno 400 predmeta protiv 742 lica, što u poređenju sa 2012. godinom čini više za 142 u odnosu na predmete, te više za 318 u odnosu na lica. Pored navedenog, ukupan broj riješenih predmeta oznake KTA, KTN, KTM i KTPOM-KTEKS je 702, odnosno 198 predmeta više u odnosu na 2012. godinu. Upoređujući broj ukupno riješenih predmeta ovog Odjela sa ukupnim rezultatima rada ostvarenim u 2012. godini, evidentno je da je broj riješenih predmeta u 2013. godini, unatoč najmanjem broju angažovanih tužilaca, te dugom i čestom odsustvu nekih tužilaca sa rada po zaduženim predmetima, značajno povećan, jer se radi o 340 više riješenih predmeta, bez riješenih predmeta oznake "A". Također, svi tužioci Odjela III koji su tokom cijele 2013. godine postupali po zaduženim predmetima ovog Odjela, ostvarili su normu veću od 100%, pri čemu je najveća pojedinačna norma iznosila 176,39%.

### **2.3.5. OSTALE AKTIVNOSTI**

*U cilju stručnog osposobljavanja, tužioci i stručni saradnici Odjela III su u 2013. godini sudjelovali na seminarima održanim u organizaciji centara za edukaciju sudija i tužilaca, te su ispunili obavezni broj dana prisustvovanja tim seminarima, što podrazumijeva četiri dana za tužioce, osam za stručne saradnike, a u kojem periodu su tužioci ovog Odjela, iz navedenih razloga, bili spriječeni posvetiti se radu na zaduženim predmetima.*

*Pored toga, tužioci ovog odjela su tokom posmatranog perioda također uzeli i obavezno učešće u radu brojnih radnih grupa i konferencija koje su održavane u organizaciji raznih državnih ustanova i institucija, te nevladinih organizacija na području Bosne i Hercegovine, ali i na regionalnim i međunarodnim seminarima, budući da se samo u Odjelu III Tužilaštva BiH obavljaju poslovi pružanja međunarodne pravne pomoći.*

### **2.3.6. PROBLEMI U RADU ODJELA III**

*Odjel III je, kao i ranijih godina, bio Odjel sa najmanjim brojem tužilaca, a istovremeno najvećim prilivom predmeta.*

*Mali broj tužilaca u Odjelu III, koji se iz godine u godinu smanjuje, predstavlja izuzetno veliki problem u radu ovog Odjela, odnosno velike poteškoće s kojima su tužioci Odjela III tokom izvještajnog perioda bili suočeni, s obzirom na veliki broj često zakazivanih ročišta na Sudu BiH, što je nerijetko dovodilo do preklapanja ročišta više tužilaca ovog Odjela na Sudu BiH, za koja su, s obzirom na nedovoljan broj raspoloživih tužilaca u Odjelu s jedne strane, te posebno zbog dugog i čestog odsustva nekih tužilaca iz zdravstvenih razloga i dr. s druge strane, teško pronalazena rješenja.*

*Nadalje, budući da je norma tužilaca Odjela III shodno Pravilniku o orijentacionim mjerilima za rad tužilaca u tužilaštvima u Bosni i Hercegovini Visokog sudskog i tužilačkog vijeća BiH („Službeni glasnik BiH“, broj: 103/12) veoma visoko postavljena, upitno je, ukoliko priliv predmeta u 2014. godini ne bude nedovoljan, da li će ista biti ostvarena u predstojećem izvještajnom periodu, s obzirom da su iz 2013. godine u 2014. godinu, kao neriješeni, preneseni većinom predmeti prilikom čijeg rješavanja su tužioci ovog Odjela bili suočeni s velikim problemima.*

*Naime, pribavljanje dokaza u većini prenesenih predmeta isprepletano je s brojnim poteškoćama ili pak prikupljanje dokaza iziskuje duži vremenski period, a što će se, u slučaju nedovoljnog priliva predmeta u 2014. godini, negativno odraziti na visoko određenu normu.*

*Pored navedenog, treba imati u vidu činjenicu da finansijska vještačenja u složenijim predmetima, kojih je u Odjelu III veliki broj, traju duži vremenski period, da se određeni broj*

*predmeta ovog Odjela odnosi na osumnjičene državljane NR Kine za koje je nemoguće obezbijediti prevodioce, a često i dokaze, da su ključni svjedoci u određenom broju predmeta nedostupni već duži period, da čak i vještačenja centralnih jedinica, zbog povećanog obima posla, s jedne strane, te nedovoljnog broja vještaka informatičke struke, s druge strane, traju veoma dugo, tj. skoro po pola godine pa i više, kao i da se nerijetko dosta vremena gubi zbog nepotpunih dostavljenih izvještaja o počinjenom krivičnom djelu.*

*Također, veliki problem tužiocima Odjela III predstavlja i nedostatak samostalnosti u radu policijskih agencija jer usporava rad u predmetima, a time se direktno odražava i na normu.*

*S obzirom da se samo u Odjelu III Tužilaštva BiH obavljaju poslovi pružanja međunarodne pravne pomoći, svi tužiocima su, osim učesća na seminarima održanim u organizaciji centara za edukaciju sudija i tužilaca bili obavezni sudjelovati u radu brojnih radnih grupa i konferencija koje su održavani u organizaciji raznih državnih ustanova i institucija te nevladinih organizacija, a što je za njih, s obzirom na broj predmeta u radu, predstavljalo dodatno opterećenje.*

*Nastavljen je i priliv KTA predmeta, u kojima materijal dostavljen od strane policijskih agencija o istim predstavlja obavještajne podatke iz kojih nisu proizlazili osnovi sumnje da su počinjena krivična djela, kao i onih KTA predmeta za čije postupanje u startu nije bilo nadležno Tužilaštvo BiH, koji predmeti su zahtijevali angažovanje tužilaca u radu po istim, a koje angažovanje ih je i ove godine, kao i prošle, onemogućavalo da sve snage preusmjere na rad po KT i KTPO predmetima.*

*Dodatni problem u radu predstavlja i nedostatak kancelarijskog prostora koji se indirektno odražava na produktivnost osoblja, te nedovoljan i neadekvatan prostor za čuvanje aktivnih spisa, kao i arhiviranje završenih spisa, te pohranjivanje privremeno oduzetih predmeta i drugog dokaznog materijala.*

### **3. UKUPAN RAD TUŽILAŠTVA BOSNE I HERCEGOVINE U PREDMETIMA U ODNOSU NA POZNATE POČINIOCE KRIVIČNIH DJELA**

Kolona „Privredni kriminal“ predstavlja brojčani pokazatelj koji se odnosi na krivična djela iz glava XVIII i XIX Krivičnog zakona Bosne i Hercegovine i predstavlja zbirne podatke o radu Odjela II i III Tužilaštva BiH na toj vrsti predmeta (imajući na umu Interne kriterije o raspodjeli predmeta, o kojima je bilo riječi u prethodnim glavama ove Informacije).

Kolona „Opći kriminal“ predstavlja brojčani pokazatelj preostalih krivičnih djela iz Krivičnog zakona Bosne i Hercegovine i također predstavlja zbirne podatke o radu Odjela II i III Tužilaštva BiH, izuzev pojedinih krivičnih djela iz glave XVII KZ-a BiH koja su svrstana u kolonu „Ratni zločin“ i po kojima postupa Odjel I.

#### **TABELARNI PRIKAZI RADA TUŽILAŠTVA BOSNE I HERCEGOVINE U PREDMETIMA U ODNOSU NA POZNATE POČINIOCE KRIVIČNIH DJELA ZA PERIOD 01. 01. - 31. 12. 2013.**

Podaci o prijavama iskazani po predmetima/licima za period 01. 01.-31. 12. 2013.

Vrsta predmeta "Kt"	Neriješeno prijava iz ranijih godina	Primljeno prijava u toku izvještajnog perioda	Ukupno u radu prijava u toku izvještajnog perioda	Riješeno prijava u toku izvještajnog perioda	Djelimično riješeno prijava u toku izvještajnog perioda	Neriješeno prijava na kraju izvještajnog perioda
KOLONA =	I	II	III (III = I+II)	IV	V	VI VI = III - IV
<i>Privredni kriminal</i>	266/1287	341/1118	607/2405	352/1075	0	255/1330
<i>Ratni zločin</i>	345/3284	200/1367	545/4651	140/663	0	405/3988
<i>Opći kriminal</i>	75/345	125/409	200/754	122/375	0	78/379
<b>Ukupno</b>	<b>686/4916</b>	<b>666/2894</b>	<b>1352/7810</b>	<b>614/2113</b>	<b>0</b>	<b>738/5697</b>

INFORMACIJA O RADU 2013

Tabela II: Podaci o istragama iskazani po predmetima/licima za period 01. 01.-31. 12. 2013. godine

Vrsta predmeta "Kt"	Neriješene istrage iz ranijih godina	Naređeno istraga u toku izvještajnog perioda	Ukupno u radu istraga u toku izvještajnog perioda	Ukupno riješeno istraga u toku izvještajnog perioda	Djelimično riješeno istraga u toku izvještajnog perioda	Broj <u>neriješenih</u> istraga na kraju izvještajnog perioda
KOLONA =	I	II	III (III = I+II)	IV	V	VI VI = III - IV
Privredni kriminal	266/1287	341/1118	607/2405	352/1075	0	255/1330
Ratni zločin	345/3284	200/1367	545/4651	140/663	0	405/3988
Opći kriminal	75/345	125/409	200/754	122/375	0	78/379
<b>Ukupno</b>	<b>686/4916</b>	<b>666/2894</b>	<b>1352/7810</b>	<b>614/2113</b>	<b>0</b>	<b>738/5697</b>

Tabela III: Vrste procesnih odluka donesenih u Kt predmetima po predmetima/licima u periodu 01. 01. - 31. 12. 2013.

Vrsta predmeta "Kt"	U fazi rješavanja prijava			U fazi rješavanja istraga		
	Broj naredbi o nesprovođenju istrage	Broj naredbi o sprovođenju istrage	Riješeno na drugi način	Broj naredbi o obustavi istrage	Broj podignutih optužnica	Riješeno na drugi način
KOLONA =	I	II	III	IV	V	VI
Privredni kriminal	143/372	176/593	33/110	94/354	106/234	4/13
Ratni zločin	17/84	46/216	77/364	13/51	26/49	16/55
Opći kriminal	41/97	74/238	10/40	30/79	70/186	3/12
<b>Ukupno</b>	<b>201/553</b>	<b>296/1047</b>	<b>120/514</b>	<b>137/484</b>	<b>202/469</b>	<b>23/80</b>



INFORMACIJA O RADU 2013

Tabela IV: Podaci o podignutim optužnicama iskazani po predmetima/licima

<i>Vrsta predmeta "Kt"</i>	<i>Broj optužnica podignutih prije izvještajnog perioda, a u kojima do 01. 01. 2013. nije bila donesena odluka o potvrđivanju ili odbijanju potvrđivanja</i>	<i>Ukupan broj podignutih optužnica u toku izvještajnog perioda</i>	<i>Ukupan broj podignutih optužnica*</i>	<i>Ukupan broj potvrđenih optužnica u toku izvještajnog perioda*</i>	<i>Broj optužnica čije je potvrđivanje odbijeno</i>	<i>Broj optužnica povučenih prije donošenja odluke o potvrđivanju</i>	<i>Optužnice riješene na drugi način</i>	<i>Broj optužnica podignutih u toku izvještajnog perioda, a u kojima sa 31. 12. 2013. nije donesena odluka o potvrđivanju ili odbijanju potvrđivanja</i>	<i>Broj optužnica povučenih nakon potvrđivanja</i>
<i>KOLONA =</i>	<i>I</i>	<i>II</i>	<i>III*</i>	<i>IV</i>	<i>V</i>	<i>VI</i>	<i>VII</i>	<i>VIII</i>	<i>IX</i>
			<i>III = I+II</i>						
<i>Privredni kriminal</i>	0/0	106/234	106/234	97/214	0/0	1/2	0/0	8/18	0/0
<i>Ratni zločin</i>	5/14	26/49	31/63	22/43	0/0	0/0	0/0	9/20	0/0
<i>Opći kriminal</i>	1/6	70/186	71/192	65/170	0/0	0/0	0/0	6/22	0/0
<b>Ukupno</b>	<b>6/20</b>	<b>202/469</b>	<b>208/489</b>	<b>184/427</b>	<b>0/0</b>	<b>1/2</b>	<b>0/0</b>	<b>23/60</b>	<b>0/0</b>

<i>Vrsta predmeta "Kt"</i>	<i>Broj optužnica podignutih u toku izvještajnog perioda*</i>			<i>Broj potvrđenih optužnica u toku izvještajnog perioda*</i>		
	<i>Sa krivičnim nalogom</i>	<i>Bez krivičnog naloga</i>	<i>Sa predloženim sporazumom o priznanju krivice</i>	<i>Sa krivičnim nalogom</i>	<i>Bez krivičnog naloga</i>	<i>Sa predloženim sporazumom o priznanju krivice</i>
<i>KOLONA =</i>	<i>X</i>	<i>XI</i>	<i>XII</i>	<i>XIII</i>	<i>XIV</i>	<i>XV</i>
<i>Privredni kriminal</i>	3/3	101/229	2/2	3/3	92/209	2/2
<i>Ratni zločin</i>	0/0	26/49	0/0	0/0	22/43	0/0
<i>Opći kriminal</i>	4/5	64/177	2/4	4/5	59/161	2/4
<b>Ukupno</b>	<b>7/8</b>	<b>191/455</b>	<b>4/6</b>	<b>7/8</b>	<b>173/413</b>	<b>4/6</b>

INFORMACIJA O RADU 2013

Tabela V: Podaci o vremenskoj strukturi potvrđenih, a neriješenih optužnica iskazanih po predmetima/licima za period 01. 01.-31. 12. 2013.



Vrsta predmeta "Kt"	Broj neriješenih potvrđenih optužnica pred sudom na kraju izvještajnog perioda							Ukupno	Ukupan broj neriješenih potvrđenih optužnica na dan 01. 01. 2013	Ukupan broj potvrđenih optužnica u toku izvještajnog perioda	Ukupan broj potvrđenih optužnica riješenih donošenjem odluke suda u toku izvještajnog perioda	Ukupan broj neriješenih potvrđenih optužnica na dan 31. 12. 2013.
	Optužnice potvrđene prije 2009.	Optužnice potvrđene u toku 2009.	Optužnice potvrđene u toku 2010.	Optužnice potvrđene u toku 2011.	Optužnice potvrđene u toku 2012.	Optužnice potvrđene u toku 2013.	Ukupno					
KOLONA =	I	II	III	IV	V	VI	VII (VII = I+II+III+IV+V+VI)	VIII	IX	X	XI=VII	
<b>Privredni kriminal</b>	9/10	4/7	7/7	5/5	4/23	54/142	81/194	57/115	97/214	73/135	81/194	
<b>Ratni zločin</b>	5/6	2/2	1/6	8/13	13/29	16/32	45/88	35/61	22/43	12/16	45/88	
<b>Opći kriminal</b>	5/16	2/2	3/7	6/14	4/8	29/116	49/163	42/109	65/170	58/116	49/163	
<b>Ukupno</b>	<b>19/32</b>	<b>8/11</b>	<b>11/20</b>	<b>19/32</b>	<b>21/60</b>	<b>99/290</b>	<b>175/445</b>	<b>134/285</b>	<b>184/427</b>	<b>143/267</b>	<b>175/445</b>	



INFORMACIJA O RADU 2013

Tabela VI: Podaci o vrstama sudskih odluka iskazani po predmetima/licima za period 01. 01.-31. 12. 2013.

Vrsta predmeta "Kt"	Broj predmeta u kojima je donesena odluka u toku izvještajnog perioda:										Ukupan broj donesenih sudskih odluka	Broj predmeta u kojima je povučena optužnica nakon potvrđivanja do početka glavnog pretresa	Broj predmeta u kojima je došlo do odustanka od optužnice do završetka glavnog pretresa
	Rješenja o obustavi postupka	Odbijajuće presude	Oslobađajuće presude	Krivično djelo učinjeno u stanju neuračunljivosti	Osuđujuće presude / izrečene kazne					Ukupno osuđujućih presuda			
KOLONA =	I	II	III	IV	V	VI	VII	VIII	IX	X=V+IX	XI =I+II+III+IV+...X)	XII	XIII
					zatvorska	novčana	uslovna	opomene	oslobađajuće				
Privredni kriminal	0/0	1/2	5/6	0/0	17/24	4/4	43/86	0/9	0/0	64/123	70/131	0/0	0/0
Ratni zločin	1/1	0/1	2/2	0/0	9/10	0/0	0/0	0/0	0/0	9/10	12/14	0/0	0/0
Opći kriminal	1/2	1/7	3/6	2/2	17/45	9/12	22/36	0/0	0/0	48/93	53/108	0/0	0/0
<b>Ukupno</b>	<b>2/3</b>	<b>2/10</b>	<b>10/14</b>	<b>2/2</b>	<b>43/79</b>	<b>13/16</b>	<b>65/122</b>	<b>0/9</b>	<b>0/0</b>	<b>121/226</b>	<b>135/253</b>	<b>0/0</b>	<b>0/0</b>

**GRAFIČKI PRIKAZI POTVRĐENIH OPTUŽNICA U PERIODU OD PRIJE 2009. GODINE DO KRAJA 2013. GODINE**





## **4. OSTVARIVANJE FUNKCIJE TUŽILAŠTVA KROZ DRUGE AKTIVNOSTI**

### **4.1. UVOD**

*U prethodnim poglavljima ove informacije izložen je pregled djelovanja tužilačkih odjela, kroz koje se suštinski i realizira funkcija Tužilaštva BiH.*

*Ipak, Tužilaštvo svoju funkciju ostvaruje i kroz druge aktivnosti koje ne spadaju u postupanje po pojedinačnim krivičnim predmetima. Pregled najznačajnijih aktivnosti ove vrste izložen je u poglavljima koja slijede.*

### **4.2. RAD UPRAVE TUŽILAŠTVA**

*U toku 2013. godine, kao i u prethodnom periodu, u okviru uprave Tužilaštva pružana je podrška radu tužilačkih odjela u smislu pružanja posebne stručne podrške radu tužilaca u krivičnim predmetima, kao i opće podrške u smislu obezbjeđenja obavljanja stručnih, administrativno-tehničkih i općih poslova, kojima se stvaraju neophodni uslovi za rad tužilaca.*

*Osim naprijed navedenog, kroz upravu Tužilaštva realizira se i učešće Tužilaštva u aktivnostima vezanim za proces evropskih integracija, monitoring bezviznog režima za građane Bosne i Hercegovine, programiranje i implementaciju raznih projekata, postupanja po zahtjevima podnesenim na osnovu Zakona o zaštiti tajnih podataka kao i zahtjeva podnesenih na osnovu Zakona o slobodi pristupa informacijama i drugih zahtjeva raznih institucija, nevladinih organizacija i građana, dostavljanja Visokom sudskom i tužilačkom vijeću BiH raznih podataka neophodnih za njihov rad i drugo.*

*Za posmatrani period značajno je istaći izuzetan angažman od strane Tužilaštva na rješavanju pitanja smještajnih kapaciteta Tužilaštva.*

*Rad uprave Tužilaštva dijelom se može prikazati i kroz pregled zaprimljenih i riješenih predmeta administrativne prirode kako slijedi: A (predmeti korespondencije sa raznim institucijama, drugim pravnim i fizičkim licima, korespondencije unutar Tužilaštva, sporazumi odnosno memorandumi, razni izvještaji i dr.) zaprimljena 634 predmeta, arhivirano 456 predmeta, ostalo u radu 178 predmeta; A-I (razne informacije o radu Tužilaštva uključujući informacije o radu u*

*pojednim krivičnim predmetima po zahtjevima raznih pravnih i fizičkih lica, informacije o statusu pojedinih lica u odnosu na evidencije Tužilaštva po zahtjevima ovlaštenih agencija i drugih institucija) zaprimljeno 475 predmeta, arhivirana 444 predmeta, ostao u radu 31 predmet; A-R (korespondencija u odnosu na razne konferencije, seminare, radionice i slično, razne obavijesti i drugo) zaprimljeno 208 predmeta, arhivirana 153 predmeta, ostalo u radu 55 predmeta; R (predmeti materijalno-finansijske prirode) zaprimljeno 2. 211, arhivirano 2. 211 predmeta.*

*Nadalje, evidentirano je i 4.600 izvršenih provjera u bazi IDDEEA, zatim skeniranja dokaznog materijala u 1.296 predmeta, kopiranja CD/DVD dokaznih snimaka i dokumentacije po 3.893 zahtjeva, te je specijalnim alatima obrađeno po 546 zahtjeva audio/video snimaka.*

*Na predmetima A, A-I, i A-R pretežno je postupano u Kabinetu glavnog tužioca i Uredu sekretara, a po znatno manjem broju ovih predmeta postupano je u okviru tužilačkih odjela, što je u prethodnom dijelu ove informacije i prikazano. Na predmetima sa oznakom P postupano je u Odjelu za pravne, administrativno-tehničke i opće poslove.*

*Na predmetima sa oznakom R postupano je u Odjelu za materijalno-finansijske poslove, a provjere u IDDEEA bazi, skeniranje, kopiranje i obrađivanje dokaznog materijala vršeno je u okviru Odjela za IKT i obradu elektronskog dokaznog materijala.*

#### **4.2.1. SPECIFIČNE AKTIVNOSTI KABINETA GLAVNOG TUŽIOCA**

*Kabinet glavnog tužioca je aktivno pružao podršku u radu glavnog tužioca u pogledu zauzimanja pravnih stavova, istraživanja pravnih pitanja koja su od općeg značaja za rad Tužilaštva, protokolarnih aktivnosti, te značajno sudjelovao u procesu strateškog planiranja i projektnim aktivnostima tokom 2013. godine.*

*Dinamika aktivnosti i poslova u Kabinetu glavnog tužioca artikulisala se kroz različite stručne sastanke, konferencije i seminare, kako sa domaćim tako i sa stranim stručnjacima. Cilj ovih aktivnosti bio je da se pojačaju stručni kapaciteti Tužilaštva razmjenom mišljenja i znanja na polju prava.*

*Na polju protokolarnih aktivnosti Kabinet je sudjelovao u organizaciji niza posjeta Tužilaštvu od strane Međunarodnog krivičnog suda za bivšu Jugoslaviju, različitih predstavnika diplomatskog kora, međunarodnih organizacija i nevladinih organizacija. Poseban značaj dat je komunikaciji sa predstavnicima Evropske komisije, koji kroz IPA fondove daju značajnu podršku radu pravosudnih institucija u Bosni i Hercegovini.*

## INFORMACIJA O RADU 2013

Aktivnosti Kabineta bile su usmjerene i ka regionalnoj saradnji po pitanju procesuiranja ratnih zločina. Naime, stručni savjetnik iz Kabineta imenovan je za oficira za vezu u skladu sa potpisanim protokolima o saradnji.

U pogledu primljenih spisa, u radu Kabineta se nalazio 1.381 spis. Od toga je završeno i arhivirano 1.105 spisa.

Podaci o primljenim spisima u rad za period 01. 01.-31. 12. 2013.

<b>UPISNICI 2013. GODINA</b>	<b>ZAPRIMLJENO</b>	<b>ARHIVIRANO</b>	<b>OSTALO U RADU</b>
<i>A UPISNIK</i>	634	456	178
<i>A-I UPISNIK</i>	475	444	31
<i>AR UPISNIK</i>	208	153	55
<i>A-PRITUŽBA</i>	64	52	12
<i>AUS UPISNIK</i>	0	0	0
<b>UKUPNO</b>	<b>1381</b>	<b>1105</b>	<b>276</b>

### **4.3. UČEŠĆE TUŽILAŠTVA BiH NA SASTANCIMA KOORDINACIJE DIREKTORA POLICIJSKIH AGENCIJA I GLAVNOG TUŽIOCA BiH**

Tokom 2013. godine nastavljeno je sa održavanjem sastanaka koordinacije glavnog tužioca i direktora policijskih i sigurnosnih agencija u Bosni i Hercegovini, na kojima su po potrebi sudjelovali i predstavnici Ministarstva sigurnosti BiH, te drugih institucija u slučaju da su se obrađivale specifične teme koje se odnose na oblast rada određene institucije.

U organizaciji Tužilaštva Bosne i Hercegovine, u Sarajevu je 05. 03. 2013. godine, održan sastanak koordinacije direktora policijskih agencija u BiH i glavnog tužioca Tužilaštva Bosne i Hercegovine, a također, jedan sastanak je održan i u organizaciji MUP-a RS u Banja Luci, 17. 06. 2013. godine.



Glavni tužilac Tužilaštva BiH, Goran Salihović, sudionicima održanih sastanaka, između ostalog, predstavio je prioritete rada i saradnje Tužilaštva BiH sa agencijama za provođenje zakona u narednom periodu, a naročito u segmentu borbe protiv organiziranog kriminala i korupcije, te međudržavne saradnje u regionu.

Na sastancima je razgovarano i o provedenim združenim policijskim akcijama u borbi protiv organiziranog kriminala, koje se provode po nalogu Tužilaštva BiH, sa ciljem rasvjetljavanja krivičnih djela organiziranog kriminala, kao i aktivnostima na otkrivanju i procesuiranju većeg broja nerazjašnjenih ubistava u Sarajevu i Istočnom Sarajevu u proteklih 10 godina.

Sekretar Ministarstva sigurnosti BiH na sastancima je upoznao prisutne sa situacijom vezanom za poštivanje odredbi bezviznog režima za građane BiH, te poboljšanje situacije u vezi sa smanjenjem broja ilegalnih emigranata i lažnih tražitelja azila, kao i neophodnosti potpune implementacije Sporazuma o uspostavi sistema elektronske razmjene podataka između policijskih tijela i tužilaštava, te budućim aktivnostima institucija BiH koje su potrebne da bi se zaštitio bezvizni režim za građane BiH.

S obzirom na predviđeni ulazak Republike Hrvatske u EU, te izlazak Granične policije BiH na granicu sa teritorijom EU u dužini od oko 1.000 km, predstavnici Granične policije su sudionike sastanaka upoznali sa aktivnostima i pripremama graničnih kapaciteta naše zemlje za izlazak na granicu sa Evropskom unijom, a radi osiguranja što efikasnijeg graničnog prometa ljudi i roba u narednom periodu. Predstavnik Granične policije prezentirao je aktivnosti i napore ove agencije u borbi protiv ilegalnih migracija preko teritorije Bosne i Hercegovine.

Također, iz Službe za poslove sa strancima, sudionici sastanaka su informirani o aktivnostima ove službe, vezanim za pitanja ilegalnih emigranata i proces readmisije, kako bi se ubuduće spriječile ilegalne migracije.

Centralne teme sastanaka održanih tokom 2013. godine odnosile su se na jačanje saradnje i koordinaciju aktivnosti u borbi protiv terorizma, dogovor u vezi s dinamikom sastanaka glavnog tužioca i voditelja policijskih agencija u budućnosti, te analizu provedenih združenih policijskih akcija u proteklom periodu.

U okviru jačanja saradnje u bori protiv terorizma u Bosni i Hercegovini, razgovarano je o potrebnim aktivnostima koje će u budućnosti doprinijeti jačanju kapaciteta u BiH za borbu protiv terorizma, kroz rad Udarne grupe i Operativne grupe za borbu protiv terorizma.

Zaključeno je da dobra saradnja policijskih agencija može pomoći u efikasnijem otkrivanju opasnosti od terorizma, pravovremenom reagiranju te sprječavanju i sankcioniranju počinitelja krivičnih djela koja imaju veze sa terorizmom.

*Na sastancima koordinacije je razgovarano i o sankcioniranju policijskih službenika koji su otkriveni u počinjenju krivičnih djela. Naime, zaključeno je da se ovakve pojave moraju efikasno sankcionirati kroz disciplinske i krivične postupke, kako bi se takvi pojedinci odstranili iz policijskih struktura.*

*Na sastancima održanim u 2013. godini, dogovorena je dinamika i sastav sudionika sastanaka glavnog tužioca i direktora policijskih tijela u budućnosti. Zaključeno je da bi se sastanci trebali održavati najmanje 4 puta godišnje, a na sastancima bi radi bolje i efikasnije saradnje trebali sudjelovati i predstavnici Obavještajno-sigurnosne agencije (OSA) BiH i predstavnici policijskih struktura u kantonima, odnosno policijski komesari.*

*Sastanci glavnog tužioca i direktora policijskih agencija se održavaju periodično, radi dogovaranja zajedničkih aktivnosti u borbi protiv svih vidova kriminala i analize sigurnosnih izazova u Bosni i Hercegovini. Cilj sastanaka je jačanje saradnje, razmjena informacija i dogovor o aktivnostima, koje će unaprijediti borbu protiv kriminala i zaštitu sigurnosti svih građana Bosne i Hercegovine.*

*Sastancima se, po potrebi, pridružuju i predstavnici ostalih policijskih i sigurnosnih agencija u BiH, ukoliko se neke od tema odnose na materiju iz domena rada tih institucija.*

#### **4.4. SARADNJA SA POLICIJSKIM INSTITUCIJAMA I AGENCIJAMA ZA PROVOĐENJE ZAKONA**

*Glavni tužilac i tužioci Tužilaštva BiH u 2013. godini aktivno su sudjelovali na sastancima sa čelnicima policijskih agencija, radi ostvarivanja što bolje saradnje i zajedničkog rada na predmetima.*

*U središtu Državne agencije za istrage i zaštitu, dana 10. 06. 2013. godine, održan je sastanak zvaničnika Tužilaštva BiH i čelnika Državne agencije za istrage i zaštitu - SIPA.*

*Na radnom sastanku su sudjelovali glavni tužilac Goran Salihović i direktor Državne agencije za istrage i zaštitu Goran Zubac, sa svojim saradnicima.*

*Na sastanku je razgovarano o saradnji tužilaštava i SIPA-e u radu na predmetima ratnih zločina, organiziranog kriminala, korupcije i terorizma, te poboljšanju saradnje i postizanju što boljih rezultata u budućnosti.*

*Tokom sastanka dogovoreni su modaliteti za što efikasniju svakodnevnu komunikaciju i otklanjanje bilo kakvih poteškoća koje se mogu pojaviti prilikom rada.*

*Tužilaštvo BiH i SIPA već deset godina vode istrage i procesuiraju najteža djela organiziranog kriminala, ratnih zločina i korupcije, a zajedničkim radom ove dvije institucije ostvareni su značajni rezultati, te optužen i procesuiran veliki broj počinitelja pomenutih krivičnih djela.*

*Zaključeno je da, radeći u interesu svih građana Bosne i Hercegovine, na putu ka evropskim integracijama, Tužilaštvo BiH i SIPA nastavljaju aktivnosti u borbi protiv najsloženijih oblika kriminala.*

*Također, na sastanku je razgovarano i o potrebi razvijanja i jačanja saradnje i sa partnerskim agencijama u regiji, Evropi i svijetu, radi što efikasnije borbe protiv prekograničnog kriminala.*

*Nadalje, u okviru aktivnosti na jačanju saradnje sa policijskim kapacitetima u Bosni i Hercegovini, glavni tužilac je 21. 11. 2013. godine sudjelovao na sastanku sa direktorom Federalne uprave policije FBiH i policijskim komesarima MUP-ova kantona u Federaciji BiH, koji je održan u Sarajevu.*

*Centralne teme sastanka odnosile su se na realizaciju saradnje u okviru Memoranduma o profesionalnim osnovama za saradnju u otkrivanju, prijavljivanju i krivičnom gonjenju počinitelja krivičnih djela, koji je potpisan u februaru 2011. godine.*

*Zaključeno je da je u proteklom periodu ostvarena značajna saradnja Tužilaštva BiH i policijskih tijela u Federaciji BiH, koja je u svim krajevima BiH rezultirala otkrivanjem i krivičnim procesuiranjem počinitelja krivičnih djela iz oblasti organiziranog kriminala, neovlaštenog prometa opojnim drogama, zloupotrebe službenog položaja ili ovlaštenja, te procesuiranjem članova automafije, kao i počinitelja drugih krivičnih djela.*

*Policijski službenici policijskih institucija iz FBiH su također sudjelovali u mnogim združenim policijskim akcijama u predmetima Tužilaštva BiH, kada su koordinirano djelovale policijske agencije na nivou entiteta i države, u okviru istraga u obimnim predmetima organiziranog i međunarodnog kriminala.*

*Na sastanku je, između ostalog, razgovarano i o ugrožavanju sigurnosne situacije nedavnim prekidom izdržavanja kazne licima kojima je krivica za ratne zločine pravosnažno dokazana, što se vrlo negativno odrazilo na sigurnost svih građana u BiH, a naročito na sigurnost porodica žrtava i povratničke populacije.*

*Tokom sastanka dogovoren je nastavak intenzivne saradnje između policijskih institucija Federacije BiH i Tužilaštva Bosne i Hercegovine u svim predmetima iz zajedničke nadležnosti, te intenzivan rad na jačanju sigurnosne situacije u Bosni i Hercegovini i uspostavi vladavine prava.*

*Na sastanku su osim glavnog tužioca, direktora Federalne uprave policije i 10 komesara policije iz kantona u FBiH, sudjelovali i predstavnici OHR-a, EUSR-a i projekta ICITAP u okviru Ministarstva pravde SAD-a.*

#### **4.5. RAD OPERATIVNE GRUPE ZA BORBU PROTIV TERORIZMA**

*Tužilaštvo Bosne i Hercegovine aktivno nastavlja rad na predmetima terorizma u Bosni i Hercegovini. Trenutno se u Tužilaštvu BiH provodi veći broj predistražnih i istražnih radnji, a odnose se na krivična djela terorizma iz člana 201., finansiranje terorističkih aktivnosti iz člana 202., javno podsticanje na terorističke aktivnosti iz člana 202a., te krivično djelo vrbovanje radi terorističkih aktivnosti iz člana 202b. Krivičnog zakona Bosne i Hercegovine.*

*Tužilaštvo Bosne i Hercegovine se u dosadašnjem toku istrage susreće sa različitim pojavnim oblicima terorističkog djelovanja na području Bosne i Hercegovine, a koja su propisana Krivičnim zakonom Bosne i Hercegovine. Naročito se izdvajaju predistražne radnje usmjerene na dokazivanje krivičnog djela iz člana 202a. javno podsticanje na terorističke aktivnosti. Operativna grupa zaprima prikupljene informacije, te vrši provjere na osnovu kojih Tužilaštvo Bosne i Hercegovine, u saradnji sa Sudom Bosne i Hercegovine, sprovodi posebne istražne radnje iz člana 116. Zakona o krivičnom postupku Bosne i Hercegovine prema licima koja se dovode ili mogu dovesti u vezu sa izvršenjem ovog krivičnog djela.*

*Kada su u pitanju predmeti koji su u posljednjih godinu dana okončani pred Sudom Bosne i Hercegovine, ističemo pravosnažnu presudu za krivično djelo terorizma donesenu od strane Apelacionog vijeća Suda Bosne i Hercegovine kojom presudom su Zijad Dervišević , Amel Sefer i Saša Bonić osuđeni na ukupno 16 godina zatvora zbog počinjenja terorističkog čina.*

*Pravosnažnom presudom Apelacionog vijeća Suda Bosne i Hercegovine na 15 godina zatvora osuđen je i Mevlid Jašarević za počinjenje krivičnog djela terorizma iz člana 201. Krivičnog zakona Bosne i Hercegovine.*

Dana 22. 12. 2013. godine Sud Bosne i Hercegovine je u prvostepenom postupku osudio Harisa Čauševića na maksimalnu kaznu dugotrajnog zatvora u trajanju od 45 godina zbog počinjenja krivičnog djela terorizma iz člana 201. Krivičnog zakona Bosne i Hercegovine.

Bitno je istaći da se i prioritetni zadaci Tužilaštva Bosne i Hercegovine, kao i istražne radnje koje se u okviru borbe protiv svih oblika terorizma preduzimaju, odnose na prioritetne predmete koji su delegirani od strane Udarne grupe za borbu protiv terorizma. Operativna grupa vrši presjeke informacija i saznanja koji se potom dostavljaju Tužilaštvu BiH, te se u odnosu na određeni broj lica vrše kako predistražne tako i istražne radnje, a sve u cilju provjera ili dokumentovanja krivičnih djela terorizma. Tužilaštvo BiH zaprima informacije o prikupljenim informacijama od strane svih policijskih agencija u BiH.

Dostavljene informacije se dalje prosljeđuju Operativnoj grupi koja dobijene informacije pohranjuje u bazu podataka i pomoću koje se vrši profiliranje i identifikacija lica koja se mogu dovesti i dovode u vezu sa terorističkim aktivnostima na području Bosne i Hercegovine.

Primjenom novih zakonskih rješenja u Krivičnom zakonu Bosne i Hercegovine, Tužilaštvu Bosne i Hercegovine se omogućava da blagovremeno preduzima sve neophodne predistražne i istražne radnje u cilju sprječavanja počinjenja ovih krivičnih djela. Bitna za napomenuti je i činjenica da Tužilaštvo Bosne i Hercegovine u proteklom periodu sprovodi istrage prema određenom broju lica za koje postoje osnovi sumnje da sami ili putem svojih posrednika direktno ili indirektno finansiraju određene terorističke aktivnosti, koje su prije svega usmjerene na vrbovanje ili propagandu za počinjenje terorističkog čina.

Kada je riječ o finansiranju terorističkih aktivnosti na području Bosne i Hercegovine, Finansijsko-obavještajno odjeljenje pri Državnoj agenciji za istrage i zaštitu, shodno naredbama Tužilaštva Bosne i Hercegovine te Zakonu o sprečavanju pranja novca i finansiranja terorističkih aktivnosti, izvršava određene provjere sumnjivih finansijskih transakcija, te iste prosljeđuje Operativnoj grupi kako bi se identifikovali pošiljaoci i primaoci novčanih transakcija. Imajući u vidu da je u posljednjih šest mjeseci veći broj bh. državljana otputovao u Siriju i da pri povratku u Bosnu i Hercegovinu od istih prijati realna opasnost od izvršenja terorističkog čina ili vrbovanja drugih potencijalnih lica za izvršenje nekog terorističkog čina,

*neophodno je kontinuirano praćenje svih lica koja se dovode u vezu sa mogućim izvršenjem ovih krivičnih djela, kako u Bosni i Hercegovini tako i na područjima van Bosne i Hercegovine.*

*Tužilaštvo Bosne i Hercegovine također redovno uspostavlja i saradnju sa drugim državama u cilju prikupljanja i razmjene informacija o licima koja se dovode u vezu sa izvršenjem krivičnih djela terorizma.*

*Po naredbama Tužilaštva Bosne i Hercegovine članovi Operativne grupe su bili uključeni, direktno ili indirektno, u svaki od registrovanih događaja u BiH, odnosno u bezbjednosno-interesantne događaje gdje je postojala sumnja u povezanost sa terorizmom ili krivičnim djelima koja imaju obilježja terorizma, zatim prijetnje predstavnicima vlasti u BiH, predstavnicima međunarodnih organizacija i institucija i sličnim događajima. Uključivanje članova Operativne grupe se ogledalo, shodno potrebama i mogućnostima, i to na način da su članovi Operativne grupe kroz svoje matične institucije sudjelovali u provođenju potrebnih istražnih aktivnosti na terenu ili su indirektno, vršeći provjere kroz raspoložive evidencije svojih agencija, ustupali podatke i saznanja agencijama koje su bile zadužene za vođenje istrage u konkretnom slučaju.*

*Pored navedenih aktivnosti, kontinuirano radimo na dokumentovanju odlaska državljana BiH u Siriju, te u saradnji sa svim agencijama prikupljamo sva saznanja u vezi sa ovom problematikom. Trenutna situacija u vezi sa odlascima u Siriju je takva da je oko 140 državljana BiH sudjelovalo u borbama u Siriji, od čega se oko 40 već vratilo u BiH dok je 20 lica poginulo u borbama, a ostali se još uvijek nalaze na području Sirije. Spisak ovih lica dostavljamo u prilogu informacije.*

*Također je potrebno naglasiti da Tužilaštvo BiH očekuje usvajanje izmjena KZ-a BiH u Parlamentu BiH, a koje izmjene se odnose na odlazak BiH državljana na strana ratišta, kako bi u saradnji sa policijskim agencijama mogli otvoriti istragu protiv ovih lica, s obzirom da danas nema ovih inkriminacija u Krivičnom zakonu u BiH.*

*Tužilaštvo Bosne i Hercegovine naglašava da se saradnja svih policijskih agencija odvija kontinuirano i efikasno i to na način da sve policijske agencije u Bosni i Hercegovini redovno dostavljaju svoje izvještaje o preduzetim mjerama i radnjama prema svim licima koja su predmet*

*predistražnih ili istražnih radnji, kao i licima nad kojima su vršene određene provjere, te će se i tokom 2014. godine nastaviti rad na ovim predmetima, a sve s ciljem prevencije i sprječavanja počinjenja krivičnih djela terorizma na području Bosne i Hercegovine.*

#### **4.6. RAD UDARNE GRUPE ZA BORBUTRGOVINE LJUDIMA I ORGANIZOVANE ILEGALNE IMIGRACIJE**

*Udarne grupa za borbu protiv trgovine ljudima i organizovane ilegalne imigracije (u daljem tekstu „Udarne grupa“) je formirana od strane Vijeća ministara BiH, Odlukom o formiranju Udarne grupe za borbu protiv trgovine ljudima i organizovane ilegalne imigracije („Službeni glasnik BiH“, broj 3/04), sa Izmjenama i dopunama Odluke o formiranju Udarne grupe za borbu protiv trgovine ljudima i organizovane ilegalne imigracije („Službeni glasnik BiH“, broj 103/06).*

*Udarne grupa je, u skladu sa Planom rada u 2013. godini, održala 12 redovnih mjesečnih sastanaka.*

*Udarne grupa je sudjelovala u istraživanju 36 slučajeva vezanih za trgovinu ljudima i ilegalnu imigraciju, kroz formiranja operativnih istražnih timova koji su planiranim akcijama sudjelovali u istraživanju pojedinih slučajeva trgovine ljudima i ilegalne imigracije.*

*Saradnja sa Uredom državnog koordinatora za borbu protiv trgovine ljudima i ilegalne imigracije zasniva se na Memorandumu o saradnji, s tim da je državni koordinator i stalni član Udarne grupe, koji je isto kao i svi članovi Udarne grupe imenovan rješenjem Ministarstva sigurnosti BiH. Uključivanje državnog koordinatora u rad Udarne grupe se pokazalo korisnim za realizaciju operativnih aktivnosti Udarne grupe, a imajući u vidu strateške ciljeve koji su definisani u Strategiji za borbu protiv trgovine ljudima, čije provođenje je povjereno Ministarstvu sigurnosti BiH - Uredu državnog koordinatora za borbu protiv trgovine ljudima i ilegalne imigracije.*

*U cilju uspostavljanja uspješnije saradnje i upoznavanja sa mogućnostima pružanja pomoći Udarnoj grupi, u mjesecu decembru 2012. godine održan je sastanak na kojem su, pored članova Udarne grupe, prisustvovali i predstavnici Ministarstva sigurnosti BiH, Direkcije za*

*koordinaciju policijskih tijela - Interpol, Ministarstva za ljudska prava i izbjeglice, te predstavnici Centra za socijalni rad.*

*Unaprijeđena je saradnja i sa nevladinim organizacijama putem neposrednog kontakta na konkretnim slučajevima, što je značajno doprinjelo da se zakonom reguliše status žrtava trgovine ljudima. Posebno se tu ističe saradnja sa Međunarodnim forumom solidarnosti EMMAUS, čiji predstavnik redovno prisustvuje sastancima Udarne grupe i izvještava o podršci i pomoći koju pružaju žrtvama trgovine ljudima. Članovi Udarne grupe su posjetili jednu od sigurnih kuća, gdje su imali mogućnost da se neposredno upoznaju sa uslovima rada i zbrinjavanjem žrtava trgovine ljudima, te da razgovaraju sa istima.*

*Treba istaći i učešće članova Udarne grupe u edukativnim aktivnostima koje organizuje Međunarodni forum solidarnosti - EMMAUS, kao i učešće u svojstvu predavača na seminarima koje su organizirale nevladine i međunarodne organizacije/NVO, Međunarodni forum solidarnosti EMMAUS, OSCE, UNICEF, ICMPD, UNDP, Save The Children i drugi.*

*Također, članovi Udarne grupe iz reda tužilaca bili su angažovani u radne grupe koje je formiralo Ministarstvo sigurnosti BiH, te su na taj način bili uključeni u projekte koji se vežu za oblast trgovine ljudima, dječije pornografije, seksualnog zlostavljanja djece i drugih srodnih oblasti.*

*Članovi Udarne grupe uključeni su u radne grupe međunarodnog nivoa, kao što su JIT (Zajednički istražni tim), projekat koji realizira Ministarstvo pravde BiH, i TRM (Transnacionalni regionalni timovi) za borbu protiv trgovine ljudima i organizovane ilegalne imigracije – ICMPD i UNDP.*

*U toku 2013. godine, članovi Udarne grupe dobili su saznanja da se uspostavlja novi vid trgovine ljudima, i to prostitucija po stanovima, a koju organizuju taksisti, na način da pronalaze ženska lica koja su spremna pružati usluge i uvezuju ih sa konzumentima. U narednom periodu potrebno je o ovome dostaviti informaciju tužilaštvima, kako bi isti preduzeli korake na prevenciji ovog vida izvršenja krivičnog djela.*



## **4.7. ODNOSI S JAVNOŠĆU**

*Tokom 2013. godine primjetan je porast informacija i saopštenja za medije, te je Odjel za odnose s javnošću plasirao medijima ukupno 539 vijesti i informacija za medije.*

*Vijesti i informacije su se odnosile na aktivnosti koje je provelo Tužilaštvo BiH, a u najvećoj mjeri na vijesti o podignutim optužnicama, realiziranim naredbama za lišenje slobode i pretrase po nalogu Tužilaštva BiH, rad i aktivnosti u procesima ekshumacija i identifikacija posmrtnih ostataka u svim krajevima Bosne i Hercegovine, uložene žalbe na prvostepene presude, kao i druge aktivnosti vezane za rad tužilaca i osoblja Tužilaštva Bosne i Hercegovine.*

*Kako informacije za medije uglavnom prate procesne aktivnosti i rad tužilaca, vidljivo je da je dolaskom novog glavnog tužioca, Gorana Salihovića, znatno pojačan i poboljšan rad Tužilaštva BiH, što se može vidjeti i iz činjenice da je plasirani broj vijesti i informacija veći za 51,8% u odnosu na broj vijesti plasiranih u 2012. godini, kada je bilo plasirano 355 informacija za medije.*

*Odjel za odnose s javnošću Tužilaštva BiH plasira informacije prema više od 300 primalaca informacija diljem Bosne i Hercegovine i inostranstva, među kojima su novinari elektronskih i štampanih medija, novinske redakcije, informativni internet portali, nevladine organizacije, partnerske agencije za provođenje zakona, kao i drugi pojedinci ili organizacije zainteresirani za rad Tužilaštva BiH. Također, vijesti i informacije za medije se u verziji na engleskom jeziku, putem e-maila i web stranice, distribuiraju međunarodnim medijima i renomiranim novinskim agencijama.*

*Vijesti i informacije iz Tužilaštva BiH, u 2013. godini su pripremane u sve tri jezičke varijante službenih jezika u Bosni i Hercegovini (bosanski, hrvatski i srpski jezik), na latiničnom i ćiriličnom pismu, a također, u skladu sa dugogodišnjom praksom, vijesti i informacije se pripremaju i na engleskom jeziku, te plasiraju na dijelu web stranice na kojem je verzija na engleskom jeziku.*

*Također, Odjel za odnose s javnošću je odgovorio na više od 600 upita novinara i medija koji su se odnosili na teme iz oblasti rada Tužilaštva BiH, te druge aktivnosti Tužilaštva BiH, a gotovo svakodnevno su davane tv i radijske izjave za medije.*

*U 2013. godini izvršen je i redizajn web stranice Tužilaštva BiH, postavljena je unaprijeđena galerija fotografija kao i video-galerija, a cjelokupan izgled web prezentacije institucije značajno je poboljšan sa postavljanjem dodatnih sadržaja. Postavljena je rubrika u kojoj se nalaze članci iz novina o radu Tužilaštva BiH, te brojne fotografije i video-snimci, aktivnosti koje je realiziralo Tužilaštvo BiH i glavni tužilac.*

*Putem video-galerije, medijima su distribuirane izjave nakon sastanka sa glavnim tužiocem pri MKSJ-u Sergeom Brammertzom, zatim snimci radnih sastanaka Tužilaštva BiH i tužilaštava Srbije i Hrvatske, nakon potpisivanja Protokola o saradnji u procesuiranju predmeta ratnih zločina, kao i mnogi drugi događaji i aktivnosti.*

*U video-galeriju su postavljeni snimci koji se odnose na 27 aktivnosti u vezi sa radom Tužilaštva BiH.*

*Web stranica Tužilaštva BiH, tokom 2013. godine, zabilježila je 61.443 posjete, što znači da je web sadržaje na stranici pogledalo u prosjeku 168 lica svakog dana. Oko 30.000 posjeta ostvarila su lica koja su pojedinačno, sa različitih adresa, pogledala sadržaj na web stranici, a oko 31.000 posjeta odnosi se na ponovljene posjete, što znači da je stranica sa te adrese pogledana dva ili više puta u 2013. godini.*

*S obzirom da Tužilaštvo nema web stranicu koja je komercijalne prirode, već isključivo sa informativnim i stručnim sadržajem, ovi podaci pokazuju da postoji veliki interes građana za rad Tužilaštva BiH.*

*Posjete web stranici zabilježene su sa područja BiH, ali i iz inostranstva, najviše iz susjednih zemalja, kao i iz Njemačke, SAD-a, skandinavskih zemalja, kao i drugih država, dakle, u najvećoj mjeri iz zemalja čiji stanovnici imaju dodira sa dešavanjima u BiH ili je u njima nastanjena značajna populacija iseljenika iz Bosne i Hercegovine.*

*Službenici Odjela za odnose s javnošću aktivno sudjeluju u radu web redakcije Tužilaštva BiH, jer većinu informacija i vijesti koje se objavljuju pripremaju upravo uposlenici ovog Odjela.*

*U toku 2013. godine Odjel za odnose s javnošću bio je aktivan i prilikom posjeta studenata i stručne javnosti Tužilaštvu BiH i Sudu BiH. Prilikom ovih posjeta gostima su predstavljane prezentacije o historiji, unutrašnjoj organizaciji i radu Tužilaštva BiH, a posjetioci su imali priliku postavljati i pitanja koja ih interesuju iz domena rada Tužilaštva.*

*U nekoliko navrata u 2013. godini realizirane su posjete predstavnika Tužilaštva BiH, zajedno sa predstavnicima Suda BiH i Odsjeka krivične odbrane (OKO), lokalnim zajednicama u Bosni i Hercegovini, realizirane u organizaciji NVO sektora, gdje je predstavnicima populacije žrtava ratnih zločina, lokalnih organa vlasti i nevladinog sektora, prezentiran rad na predmetima ratnih zločina, kao i ostvareni rezultati.*

*Zbog povećanja aktivnosti u procesu ekshumacija u svim krajevima Bosne i Hercegovine, a koje su vršene pod nadzorom i koordinacijom ovlaštenih službenih lica iz Tužilaštva BiH, u 2013. godini objavljeno je 50 vijesti o procesima ekshumacija i traženja nestalih lica u svim krajevima Bosne i Hercegovine, kao i vijesti o naporima koje je uložilo Tužilaštvo BiH da se procesi ekshumacija i traženja nestalih lica provode što brže i bez zastoja.*

*Tokom 2013. godine objavljena su i dva biltena Tužilaštva BiH, u kojima su prezentirane najvažnije aktivnosti Tužilaštva BiH i glavnog tužioca, koji su distribuirani na više od 300 adresa - pravosudnim institucijama u BiH, agencijama za provođenje zakona, institucijama izvršne i zakonodavne vlasti, kao i međunarodnim i diplomatskim predstavništvima u našoj zemlji, kako bi bili upoznati sa radom i rezultatima Tužilaštva BiH.*

*U 2014. godini, zbog povećanja broja tužilaca i jačanja kapaciteta Tužilaštva BiH, mogu se očekivati još bolji rezultati rada Tužilaštva BiH, što će svakako biti praćeno aktivnostima i radom Odjela za odnose s javnošću, tako da je realno očekivati da će u 2014. godini biti još više informacija i aktivnosti nego u protekloj godini.*

#### **4.8. EDUKACIJA TUŽILACA I STRUČNOG OSOBLJA TUŽILAŠTVA BiH U 2013. GODINI**

*Tužioci i stručno osoblje imaju obavezu prisustva edukacijama koje se organizuju od strane centara za edukaciju sudija i tužilaca u Federaciji Bosne i Hercegovine i Republici Srpskoj. Navedeni centri su ravnopravni članovi Lisabonske mreže institucija koja djeluje u oblasti edukacije sudija i tužilaca u državama članicama Vijeća Evrope.*

*Naprijed navedene edukacije su u toku 2013. godine organizovane od strane entitetskih centara za edukaciju sudija i tužilaca u saradnji s Vijećem Evrope, Udruženjem tužilaca FBiH, Odsjekom krivične odbrane, Centrom za demokratsku kontrolu Oružanih snaga iz Ženeve (DCAF) i Atlantskom inicijativom (AI) na projektu Rod i reforma pravosuđa u BiH, IPA 2010 Projektom - EU podrška za provedbu zakona, Komponenta IX - saradnja policije i pravosuđa, Misijom OSCE-a u BiH, Projektom „Efikasan tužilac i osviještena javnost - odgovor na trendove u procesuiranju trgovine ljudima u BiH“, sredstva obezbijedena od strane Ambasade SAD u BiH i Misije OSCE-a u BiH, USAID-ovim Projektom razvoja sektora pravosuđa II (USAID JSDP II), VSTV-om u okviru projekta "Jačanje tužilačkih kapaciteta u sistemu krivičnog pravosuđa" uz finansijsku podršku Švicarske agencije za razvoj, Njemačkom fondacijom za međunarodnu pravnu saradnju (IRZ-Stiftung), Udruženjem sudija u FBiH, IPA 2010 projektom "Borba protiv organizovanog kriminala i korupcije: Jačanje tužilačke mreže" u saradnji s Njemačkim društvom za međunarodnu saradnju (GIZ) i Holandskim centrom za međunarodnu pravnu saradnju, Ženevskim centrom za demokratsku kontrolu oružanih snaga (DCAF) i Atlantskom inicijativom (AI), Udruženjem pravnika Republike Srpske, Pravnim fakultetom Univerziteta u Banja Luci, Pravosudnom komisijom Brčko distrikta BiH, Misijom OSCE-a u BiH koja provodi Projekat "Procesuiranje ratnih zločina" uz finansijsku pomoć vlada Ujedinjenog Kraljevstva, Norveške, Švicarske, Sjedinjenih Američkih Država, Njemačke i Italije, s Vijećem Evrope, Program edukacije pravnih profesionalaca o Evropskoj konvenciji o ljudskim pravima (HELP program) i Projekat "Jačanje kapaciteta pravosuđa u Bosni i Hercegovini u pogledu primjene Evropske konvencije o ljudskim pravima", Visokim sudskim i tužilačkim vijećem u okviru projektne aktivnosti IPA 2010 - "Implementacija sistema za učenje na daljinu", u partnerstvu s Misijom OSCE-a u Bosni i Hercegovini i Inicijativom za prevenciju seksualnog nasilja (PSVI - "Preventing Sexual Violence Initiative"), pod pokroviteljstvom Vlade Velike Britanije, a u okviru projekta "Podrška efikasnom radu na predmetima ratnih zločina u BiH", IPA 2010 projektom pod nazivom „Podrška Evropske unije provođenju zakona“, te uz podršku Ambasade Sjedinjenih Američkih Država u BiH i Ambasade Kraljevine Norveške u BiH, kao i sponzoriranje od strane*

*Organizacije za sigurnost i saradnju u Evropi, Ureda za demokratske institucije i ljudska prava, Ministarstvo pravosuđa SAD/OPDAT/Ambasada SAD-a u BiH.*

*Obaveza svakog tužioca, prema entitetskim zakonima o centrima za edukaciju, je provođenje minimalne edukacije od četiri dana godišnje.*

*U posmatranom periodu, tužioci su se, pored pohađanja obaveznih zakonom propisanih seminara, aktivno uključili i u ostale procese edukacije tužilaca, a isto tako su bili angažovani i kao edukatori, predavači, panelisti i moderatori, te su prenosili svoja znanja i iskustva sudionicima seminara.*

*Tužioci su, u periodu obuhvaćenom ovom informacijom, svoje znanje proširivali na seminarima i konferencijama na sljedeće teme:*

- *Sloboda izražavanja i kleveta*
- *Pristup arhivama MKSJ-a*
- *Identifikacija žrtava i gonjenje počinitelaca krivičnih djela trgovine ljudima*
- *Program edukacije edukatora*
- *Skraćeni krivični postupci*
- *Pristup arhivama MKSJ-a*
- *Zakonitost dokaza*
- *Komunikacija sa medijima i javnošću u toku krivične istrage*
- *Međunarodno humanitarno pravo seksualno nasilje u ratu*
- *Trgovina ljudima - specijalistička obuka*
- *Edukacija edukatora*
- *Praksa Vrhovnog suda FBiH*
- *Istraživanje i istraživačke sposobnosti*
- *Zakon o međunarodnoj pravnoj pomoći u krivičnim stvarima*
- *Krivični i forenzički značaj istrage - obuka*
- *Imunitet svjedoka*
- *Zakonitost dokaza pribavljenih izvršenjem naredbe za pretresanje*
- *Kolizija ljudskih prava*
- *Posebne istražne radnje*
- *Primjena načela javnosti postupka sa posebnim osvrtom na Zakon o zaštiti ličnih podataka*
- *Prekogranični kriminal s osvrtom na trgovinu ljudima i drogom*
- *Uvod u pravo Evropske unije*
- *Stvarno pravo u FBiH i zaštita prava vlasništva*
- *Zajednička obuka o vještinama zastupanja*
- *Primjena nacionalnog prava i prava EU od strane nacionalnih sudova*

## INFORMACIJA O RADU 2013

- *XII savjetovanje iz krivične oblasti "Deset godina primjene krivičnog zakonodavstva u Bosni i Hercegovini"*
- *Oduzimanje protupravno stečene imovinske koristi i naknada štete žrtvama trgovine ljudima*
- *Odnos tužilaštava različitih nivoa vlasti u BiH*
- *Obuka za pravne savjetnike u oblasti ratnih zločina*
- *Cyber kriminal, pranje novca i finansijske istrage*
- *Praktični aspekt saradnje policije i tužilaštava u krivičnim istragama*
- *Podrška svjedocima u krivičnim predmetima*
- *Digitalna forenzika i kompjuterski kriminal*
- *Oktobarski pravnički dani "Izgradnja i funkcionisanje pravnog sistema"*
- *VI stručno savjetovanje tužilaca u BiH*
- *CMS-TCMS-CASE MANAGEMENT SYSTEM - napredne funkcionalnosti*
- *Pripremni sastanak- pilot kurs- učenje na daljinu na temu „Zabrana diskriminacije“*
- *Planiranje budžeta pravosudnih institucija i upravljanje tužilaštvima*
- *Edukacija edukatora u vezi učenja na daljinu*
- *Saradnja između tužilaštava*
- *Intelektualno vlasništvo u BiH - krivičnopravni aspekti radionica*
- *Godišnje stručno savjetovanje Tužilaštva BiH - Aktuelna problematika primjene materijalnog prava u svjetlu odluke ESLJP u predmetu Maktouf – Damjanović i principa ne bis in idem / Organizirani kriminal u praksi Tužilaštva BiH / Psihologija sudnice*
- *Kibernetički kriminal i pretresanje kompjutera*

*Početna obuka stručnih saradnika i stručnih savjetnika se provodi u skladu s trogodišnjim planom i programom obuke usvojenim od strane Visokog sudskog i tužilačkog vijeća Bosne i Hercegovine za lica koja se namjeravaju baviti profesijom sudije ili tužioca. Ovaj program predviđa provođenje obuke kroz četiri modula na godišnjem nivou, što u trogodišnjem periodu znači da će stručnim saradnicima biti pružena obuka iz 12 Modula. U 2013. godini je provedena početna obuka za treću generaciju polaznika 2011/2013 (Moduli I-IV), drugu generaciju polaznika 2012/2014 (Moduli I-IV) i za prvu generaciju 2013/2015 (Moduli I-IV), te komplementarna obuka. Komplementarna obuka je namijenjena stručnim saradnicima i savjetnicima koji su završili Program početne obuke, a još uvijek rade u institucijama pravosuđa.*

*Početnom obukom obuhvaćene su sljedeće oblasti:*

3. godina

*Modul 1 - Građanska oblast*

*Modul 2 - Krivična oblast*

*Modul 3 - Alternativno rješavanje sporova, medijacija i arbitraža*

*Modul 4 - Nosioci pravosudne funkcije i društvo*

2. godina

*Modul 1 – Evropska konvencija i ravnopravnost spolova*

*Modul 2 – Građanska oblast*

*Modul 3 – Krivična oblast*

*Modul 4 - Izvršna i upravna oblast*

1. godina

*Modul 1 - Nosioci pravosudne funkcije i društvo*

*Modul 2 – Građanska oblast*

*Modul 3 - Krivična oblast*

*Modul 4 - Izvršna i vanparnična oblast*

Komplementarna obuka

*Digitalna forenzika i kompjuterski kriminal*

*Građanska oblast za stručne saradnike*

*Tehnike izrade presude u krivičnim stvarima*

*Na seminarima komplementarne obuke, u 2013. godini, obrađivane su digitalna forenzika i kompjuterski kriminal, građanska oblast za stručne saradnike te tehnike izrade presude u krivičnim stvarima.*

## 5. FINANSIJSKI IZVJEŠTAJ ZA 2013. GODINU

Prvobitno odobreni budžet iznosio je **9.367.000 KM**, a struktura odobrenog budžeta bila je:

- Budžet Tužilaštva BiH – neposredna potrošnja.....9.267.000,00 KM
- Udarna grupa za borbu protiv trgovine ljudima i ilegalne imigracije BiH...100.000,00 KM

**UKUPNO: 9.367.000,00 KM**

Dana 29. 07. 2013. godine Tužilaštvo BiH je dobilo donaciju od strane Organizacije za sigurnost i saradnju u Evropi (OSCE) za implementaciju projekta pod nazivom „Podrška efikasnom procesuiranju predmeta ratnih zločina u BiH“. Ukupna vrijednost projekta iznosi 147.665,00 KM, a vrijednost prve tranše koja je bila na raspolaganju do kraja 2013. godine iznosila je **40.272,00 KM**.

Imajući u vidu obavezu dodatnog upošljavanja 14 uposlenih do kraja 2013. godine (13 tužilaca i 1 registrar), donesena je Odluka o odobravanju sredstava iz tekuće rezerve budžeta institucija BiH i međunarodnih obaveza BiH za 2013. godinu od 10. 07. 2013. godine kojom se Tužilaštvu BiH odobravaju sredstva u iznosu od **647.500 KM** po namjenskoj strukturi:

<i>Vrsta rashoda</i>	<i>Ekonomski kod</i>	<i>Tekuća rezerva</i>
<i>1</i>	<i>2</i>	<i>3</i>
<b>TEKUĆI IZDACI</b>		<b>647.500</b>
<i>Bruto plaće i naknade</i>	<i>611100</i>	<i>228.240</i>
<i>Naknade troškova uposlenih i skupštinskih zastupnika</i>	<i>611200</i>	<i>20.760</i>
<i>Putni troškovi</i>	<i>613100</i>	<i>13.000</i>
<i>Izdaci telefonskih i poštanskih usluga</i>	<i>613200</i>	<i>6.400</i>
<i>Nabavka materijala</i>	<i>613400</i>	<i>10.600</i>
<i>Izdaci za usluge prevoza i goriva</i>	<i>613500</i>	<i>3.000</i>
<i>Ugovorene usluge</i>	<i>613900</i>	<i>365.500</i>
<b>UKUPNO:</b>		<b>647.500</b>



## INFORMACIJA O RADU 2013

*Prestrukturiranje sredstava vršeno je na sljedećim pozicijama:*

- *iznos od 69.276 KM je prestrukturiran sa pozicije - Naknade troškova uposlenih*
- *iznos od 90.000 KM je prestrukturiran na poziciju - Putni troškovi*
- *iznos od 20.000 KM je prestrukturiran na poziciju - Izdaci poštanskih i telefonskih usluga*
- *iznos od 5.000 KM je prestrukturiran na poziciju - Izdaci za energiju i komunalne usluge*
- *iznos od 24.000 KM je prestrukturiran sa pozicije - Nabavka materijala*
- *iznos od 5.637 KM je prestrukturiran na poziciju - Izdaci za usluge prevoza i goriva*
- *iznos od 6.041 KM je prestrukturiran na poziciju - Izdaci za osiguranje i troškove platnog prometa*
- *iznos od 33.402 KM je prestrukturiran sa pozicije - Ugovorene i druge posebne usluge.*

*Ukupno odobrenom budžetu za 2013. godinu treba kao primitak dodati i sredstva od prodaje motornog vozila u ukupnom iznosu od **30.000 KM**.*

*Tužilaštvo Bosne i Hercegovine je ostvarilo ukupne troškove u odobrenom iznosu od **9.896.009 KM** ili **98,13%** ukupno odobrenog budžeta za 2013. godinu.*

*Stalna materijalna sredstva u knjigovodstvu se vode na grupi konta 0112, 0113 i 0114, na dan 31. 12. 2013. godine i iznose:*

*Nabavna vrijednost stalnih sredstava .....1.724.664,47 KM,*  
*Ispravka vrijednosti stalnih sredstava ..... 1.220.030,23 KM,*  
*Sadašnja vrijednost stalnih sredstava ..... 504.634,24 KM.*

*U toku 2013. godine Tužilaštvo BiH je imalo donacije u naturalnom obliku ukupne nabavne vrijednosti od **218.380,83 KM**, po pozicijama:*

- *namještaj.....22.940,95 KM*
- *kompjuterska oprema.....113.402,22 KM*
- *oprema za prenos glasa i podataka.....10.286,55 KM*
- *ostale kancelarijske mašine.....444,60 KM*
- *motorna vozila.....37.624,70 KM*

INFORMACIJA O RADU 2013

- elektronska oprema.....26.444,34 KM
- softveri.....7.237,47 KM
- UKUPNO:.....218.380,83 KM**

*Sredstva predviđena i odobrena za rad Udarne grupe za borbu protiv trgovine ljudima i ilegalne imigracije u BiH utrošena su u skladu sa planom rada i aktivnostima ove grupe, te je izvršenje budžeta ove organizacione jedinice 93.232 KM, što je u relativnom iznosu 93% ukupno odobrenog budžeta za 2013. godinu, dok su sredstva donirana za implementaciju OSCE projekta potrošena u cijelosti u iznosu od 40.272 KM, kako je i planirano do kraja 2013. godine.*

**TABELARNI PREGLED IZVRŠENJA BUDŽETA ZA 2013. GODINU**

**NAZIV INSTITUCIJE: TUŽILAŠTVO - TUŽITELJSTVO BiH-ZBIRNO**

<i>Opis</i>	<i>Ekonomski kod</i>	<i>Odobreni budžet (rezerva + prestrukturiranje + OSCE)</i>	<i>Izvršenje budžeta</i>	<i>Index 4/3</i>
<i>1</i>	<i>2</i>	<i>3</i>	<i>4</i>	<i>5</i>
<b>1. Tekući izdaci</b>		<b>9.989.772</b>	<b>9.828.228</b>	<b>98,38</b>
<i>Bruto plaće i naknade</i>	<i>611100</i>	<i>7.887.240</i>	<i>7.761.052</i>	<i>98,40</i>
<i>Naknade troškova uposlenih</i>	<i>611200</i>	<i>432.584</i>	<i>422.765</i>	<i>97,73</i>
<i>Putni troškovi</i>	<i>613100</i>	<i>284.000</i>	<i>276.732</i>	<i>97,44</i>
<i>Izdaci telefonskih i pošt. usluga</i>	<i>613200</i>	<i>106.400</i>	<i>101.176</i>	<i>95,09</i>
<i>Izdaci za energiju i kom. usluge</i>	<i>613300</i>	<i>56.000</i>	<i>55.931</i>	<i>99,88</i>
<i>Nabavka materijala</i>	<i>613400</i>	<i>122.600</i>	<i>122.484</i>	<i>99,91</i>
<i>Izdaci za usl. prevoza i goriva</i>	<i>613500</i>	<i>48.637</i>	<i>48.630</i>	<i>99,99</i>
<i>Unajmljivanje imovine i opreme</i>	<i>613600</i>	<i>0</i>	<i>0</i>	<i>0</i>
<i>Izdaci za tekuće održavanje</i>	<i>613700</i>	<i>37.000</i>	<i>36.843</i>	<i>99,58</i>

INFORMACIJA O RADU 2013

<i>Izdaci za osiguranje</i>	613800	14.041	14.031	99,93
<i>Ugovorene usluge i druge usluge</i>	613900	1.001.270	988.584	98,73
<b>2. Kapitalni izdaci</b>	821000	<b>95.000</b>	<b>67.781</b>	<b>71,35</b>
<b>3. Tekući grantovi</b>	614000	<b>0</b>	<b>0</b>	<b>0</b>
<b>I. Ukupno ( 1+2+3)</b>		<b>10.084.772</b>	<b>9.896.009</b>	<b>98,13</b>
<b>II. Prosječan broj uposlenih</b>				<b>195</b>

**PLANIRANJE BUDŽETA ZA 2014. GODINU**

Tužilaštvo Bosne i Hercegovine je napravilo projekciju budžeta za 2014. godinu po kojoj su tražena sredstva u ukupnom iznosu od **12.427.740 KM**, a odobrena sredstva u ukupnom iznosu od **11.461.000 KM**.

Navedeni iznos sastoji se od:

- I- Plana budžeta za potrebe Tužilaštva BiH .....**11.361.000 KM**
- II- Plana budžeta za potrebe Udarne grupe za borbu protiv trgovine ljudima i organizovane ilegalne imigracije u BiH .....**100.000 KM**

Važno je istaći da se i u 2014. godini nastavlja realizacija OSCE projekta, ali i da je Tužilaštvo BiH dobilo donaciju od strane Evropske unije u skladu sa članom 4. Memoranduma o razumijevanju između Evropske unije i BiH, a u svrhu realizacije budžetske podrške sektoru pravosuđa u ukupnom iznosu koji ne prelazi 2.975.200,00 EUR. Vrijednost prve tranše koja je na raspolaganju do kraja 2014. godine iznosi 580.863,00 EUR.

**TABELARNI PRIKAZ ODOBRENOG BUDŽETA ZA 2014. GODINU**

**NAZIV INSTITUCIJE: TUŽILAŠTVO - TUŽITELJSTVO BiH**

<i>Opis</i>	<i>Ekonomski kod</i>	<i>Odobreni budžet</i>
<i>1</i>	<i>2</i>	<i>3</i>
<b><i>1. Tekući izdaci</i></b>		
<b><i>Bruto plaće i naknade</i></b>	<b><i>611100</i></b>	<b><i>9.279.000</i></b>
<b><i>Naknade troškova uposlenih</i></b>	<b><i>611200</i></b>	<b><i>929.000</i></b>
<b><i>Putni troškovi</i></b>	<b><i>613100</i></b>	<b><i>237.000</i></b>
<b><i>Izdaci telefonskih i pošt. usluga</i></b>	<b><i>613200</i></b>	<b><i>65.000</i></b>
<b><i>Izdaci za energiju i kom. usluge</i></b>	<b><i>613300</i></b>	<b><i>62.000</i></b>
<b><i>Nabavka materijala</i></b>	<b><i>613400</i></b>	<b><i>129.000</i></b>
<b><i>Izdaci za usluge prevoza i goriva</i></b>	<b><i>613500</i></b>	<b><i>40.000</i></b>
<b><i>Unajmljivanje imovine i opreme</i></b>	<b><i>613600</i></b>	
<b><i>Izdaci za tekuće održavanje</i></b>	<b><i>613700</i></b>	<b><i>40.000</i></b>
<b><i>Izdaci za osiguranje</i></b>	<b><i>613800</i></b>	<b><i>13.000</i></b>
<b><i>Ugovorene usluge i druge usluge</i></b>	<b><i>613900</i></b>	<b><i>536.000</i></b>
<b><i>2. Kapitalni izdaci</i></b>	<b><i>821000</i></b>	<b><i>104.000</i></b>
<b><i>3. Tekući grantovi</i></b>	<b><i>614000</i></b>	
<b><i>I. Ukupno ( 1+2+3)</i></b>		<b><i>11.461.000</i></b>
<b><i>II. Prosječan broj uposlenih</i></b>		<b><i>209</i></b>

## **6. PROBLEMI KOJI OTEŽAVAJU RAD**

*U poglavljima koja se odnose na rad i rezultate rada tužilačkih odjela, iskazani su specifični problemi sa kojima se, u radu po krivičnim predmetima, susreću ovi odjeli i oni su različiti, s obzirom na vrstu predmeta koji su u nadležnosti pojedinačnih odjela. Također, izneseni su i zajednički problemi koji nisu problemi samo tužilačkih odjela nego i uprave Tužilaštva, odnosno cjelokupnog Tužilaštva, a to su:*

- *Nedostatak kancelarijskog prostora koji se direktno odražava na produktivnost osoblja;*
- *Nedovoljan i neadekvatan prostor za čuvanje aktivnih spisa, kao i arhiviranje završenih spisa, te pohranjivanje oduzetih predmeta i drugog dokaznog materijala.*

*U odnosu na akutni nedostatak prostora koji iz godine u godinu sve više otežava rad Tužilaštva, preduzimaju se aktivnosti s ciljem rješavanja navedenog problema, koje su u posljednje vrijeme intenzivirane od strane Tužilaštva i mogle bi dovesti do konačnog rješenja, ali je Tužilaštvu neophodna pomoć predstavnika vlasti, kako na državnom tako i na nivou Federacije BiH (omogućavanje izmiještanja Specijalne policijske jedinice Federalne uprave policije iz objekta namijenjenog za smještaj Tužilaštva BiH).*

*Pored naprijed navedenog problema, na ovom mjestu iznosimo još jedan problem koji je od posebnog značaja za postizanje adekvatnih rezultata rada Tužilaštva, a koji je prepreka u radu cjelokupnog Tužilaštva, kako slijedi:*

- *Nedovoljan kapacitet u pogledu ljudskih resursa, sa posebnim akcentom na nedovoljnom broju tužilaca.*

*U Tužilaštvu BiH, prema Odluci Visokog sudskog i tužilačkog vijeća, sistematizirani broj tužilaca je 38. Prema statističkim pokazateljima do kojih se došlo analizom procjene potreba Tužilaštva BiH za povećanjem broja sistematiziranih tužilačkih pozicija na način sugeriran od strane VSTV-a BiH, a koji je primjenjivan i u odnosu na sva druga tužilaštva, odvojenim*

*posmatranjem po odjelima Tužilaštva ukazala se potreba za izrazito velikim brojem tužilačkih pozicija u Posebnom odjelu za ratne zločine. U Tužilaštvu je procijenjeno da bi upućivanje zahtjeva za tolikim proširenjem sistematizacije tužilačkih pozicija prema VSTV-u bilo neprimjereno, pa se Tužilaštvo BiH opredijelilo da uputi zahtjev, prema potrebama izraženim statističkim pokazateljima u odnosu na cijelo Tužilaštvo, a to je povećanje za 12 tužilačkih pozicija u Tužilaštvu, što bi ukupno iznosilo 50 sistematiziranih tužilačkih pozicija. Kada se sveobuhvatno uzmu u razmatranje potrebe za tužilačkim pozicijama sa akcentom na navedenim potrebama u Posebnom odjelu za ratne zločine, a radi realizacije zadataka iz Državne strategije za rad na predmetima ratnih zločina, ovaj zahtjev se ocjenjuje minimalnim i u cijelosti prilagođenim općim uslovima u kojima djeluje i ovo Tužilaštvo.*

*Kako se do ovakvih potreba došlo vršenjem analize po utvrđenim kriterijima i kako zahtjev za ovakvim povećanjem sistematiziranog broja tužilačkih pozicija predstavlja realne potrebe Tužilaštva, očekuje se prihvatanje istog. Svakako da će se dalje aktivnosti voditi i na obezbjeđenju budžetskih sredstava za popunjavanje ovih pozicija, u čemu Tužilaštvo treba razumijevanje i pomoć relevantnih državnih organa.*

*Osim tužilaca, u Tužilaštvu već nedostaje znatan broj pratećeg osoblja i to, kako posebne kategorije stručnog osoblja, tako i drugog stručnog i administrativnog osoblja. Povećanjem broja tužilaca ovaj nedostatak će biti još izraženiji i efikasnost u pogledu rezultata rada će biti nedovoljna ukoliko se ne desi i adekvatno popunjavanje ovih pozicija, za šta je također Tužilaštvu potrebna pomoć nadležnih državnih organa.*

*Obezbuđenje naprijed navedenih prostornih i ljudskih kapaciteta je od krucijalne važnosti za Tužilaštvo, kako bi u cijelosti moglo odgovoriti obavezama i zadacima zbog kojih je i osnovano.*

## **7. SMJERNICE ZA UNAPREĐENJE RADA U NAREDNOM PERIODU**

*Kako iz naprijed iznesenog proizlazi, Tužilaštvo BiH je u 2012. godini ostvarivalo svoju funkciju u skladu sa propisanom nadležnošću i ciljevima utvrđenim u prethodnom periodu. Kako bi se u budućnosti nastavilo sa unapređivanjem efikasnosti rada u ovoj instituciji, prilikom planiranja i izvršavanja aktivnosti Tužilaštva BiH u 2013. godini, na umu će se imati sljedeće preporuke i principi:*

- Obezbijediće se aktivno učešće tužilaca i uposlenika Tužilaštva Bosne i Hercegovine u praćenju primjene postojećih propisa u oblasti krivičnog prava i unapređenju istih kroz predlaganje njihovih izmjena i novih propisa koji će cjelovitije regulisati ovu oblast, a što bi trebalo da obezbijedi stvaranje boljeg zakonskog okvira u cjelini kako za funkcionisanje Tužilaštva, tako i za pružanje krivičnopravne zaštite građanima Bosne i Hercegovine. U svrhu realizacije ove aktivnosti ohrabruje se podnošenje samostalnih inicijativa u naprijed navedenom smislu poštujući interne procedure, učešće u radnim grupama unutar Tužilaštva, kao i radnim grupama i timovima koji djeluju izvan Tužilaštva, te aktivno učešće u projektima čije implementiranje se ocijeni potrebnim i odobri od strane menadžmenta Tužilaštva.*
- Konstantno će se unapređivati kvalitet i efikasnost u postupcima otkrivanja i procesuiranja počinitelaca krivičnih djela iz nadležnosti Tužilaštva BiH. U tom smislu, potrebno je rješavati stare predmete prema utvrđenom planu u kojem će se prioritet dati značajnijim predmetima posmatrano sa raznih aspekata, povećati broj tužilačkih odluka sa akcentom na povećanje broja istraga i optužnica za najteža krivična djela, te jačati i razvijati timski rad. Nastavit će se rad na provođenju Državne strategije za rad na predmetima ratnih zločina, dok će se kroz postupke ekshumacija intenzivirati traženje nestalih lica na području cijele Bosne i Hercegovine.*
- Tužilaštvo BiH će i u budućem periodu aktivno sudjelovati u kreiranju krivične i politike kriminaliteta u Bosni i Hercegovini, između ostalog i kroz angažman i sudjelovanje u*

## INFORMACIJA O RADU 2013

*radu Udarne grupe za borbu protiv trgovine ljudima i organizovane ilegalne imigracije i Operativne grupe za borbu protiv terorizma.*

- *U radu Tužilaštva BiH nastaviti će se primjenjivati visoki profesionalni standardi, koji će se unapređivati kroz sudjelovanje i kreiranje edukacijskih seminara u okviru interne Komisije za edukaciju, kao i centara za edukaciju RS-a i FBiH. Aktivno će se sudjelovati u kreiranju sistema ocjenjivanja tužilaca i unapređenju i razvijanju provođenja procesa ocjenjivanja ostalih uposlenika.*
- *Saradnja sa agencijama za provođenje zakona u BiH će se kontinuirano razvijati kroz sudjelovanje u koordinaciji aktivnosti svih agencija za provođenje zakona na teritoriji Bosne i Hercegovine u cilju otkrivanja i suzbijanja najtežih krivičnih djela, te primjenjivanje podzakonskih akata koji su proizašli iz učešća u projektu "Uspostava boljih mehanizama saradnje između policije i Tužilaštava BiH" i njihovo dalje razvijanje i prilagođavanje potrebama. Sa agencijama za provođenje zakona u Bosni i Hercegovini i tužilaštvima u Bosni i Hercegovini, nastaviti će se sa provođenjem aktivnosti Udarne grupe za borbu protiv trgovine ljudima i organizovane ilegalne imigracije, Operativne grupe za borbu protiv terorizma i jačanja sposobnosti za borbu protiv terorizma, Radne grupe za borbu protiv visokotehnološkog kriminala, uključujući i cyber kriminal, i drugih radnih grupa koje se bave problemima iz oblasti kriminaliteta.*
- *Unapređenje saradnje sa tužilaštvima u zemljama regije i šire vršiti će se kroz primjenu međunarodnih multilateralnih i bilateralnih ugovora o saradnji, kao i razmjenom iskustava u progonu počinitelja najtežih krivičnih djela, posebno terorizma i organiziranog kriminala, pranja novca, te cyber kriminala. Kod tužilaštava u zemljama regije inicirati će se uspostavljanje novih mehanizama za saradnju, te će nastaviti i unapređivati učešće u Radnoj grupi za monitoring odluke o bezviznom režimu za građane BiH pri ulasku u Evropsku uniju. Nastaviti će se i unapređivati učešće u tužilačkim asocijacijama Evrope i regije (SEEPAG, SECI, CPGE, EUROJUST, EUROPOL i druge).*



## INFORMACIJA O RADU 2013


- *U okvirima dodijeljenih resursa, Tužilaštvo BiH će se nastojati unapređivati u kadrovskom i organizacionom smislu kroz osiguranje materijalno-finansijskih uslova za nesmetan rad, te uvođenje i primjenu novih tehnoloških dostignuća. Značajno će se angažovati na rješavanju problema smještajnih kapaciteta za Tužilaštvo i podsticati predstavnike vlasti na državnom nivou da preduzmu potrebne aktivnosti, u skladu sa svojim nadležnostima, u rješavanju tog problema koji je već davno prepoznat ali se još uvijek nalazi u fazi rješavanja. Dalje će se razvijati i unapređivati učešće u projektnim aktivnostima.*
- *Tužilaštvo BiH će nastaviti redovno izvijestavati o postignutim rezultatima u radu i stanju kriminaliteta, sa ciljem podizanja svijesti javnosti putem sredstava javnog informisanja o ulozi i nadležnostima Tužilaštva BiH.*

## 8. STANJE KRIMINALITETA U BOSNI I HERCEGOVINI

*U daljem dijelu informacije mogu se vidjeti prikazi stanja kriminaliteta u Bosni i Hercegovini.*


**TABELARNI I GRAFIČKI PRIKAZ STANJA KRIMINALITETA  
U TUŽILAŠTVU BOSNE I HERCEGOVINE ZA 2013. GODINU**

Tužilaštvo BiH	Zaprimljene prijave		Naređene istrage		Podignute optužnice		Podignute optužnice sa kriv. nalogom		Donesene presude	
	Predmeti	Lica	Predmeti	Lica	Predmeti	Lica	Predmeti	Lica	Predmeti	Lica
<i>Ukupno</i>	666	2894	293	1047	202	469	7	8	135	253




**STANJE KRIMINALITETA U KANTONALNIM TUŽILAŠTVIMA FEDERACIJE BiH ZA 2013. GODINU**

Federacija BiH	Zaprimljene prijave		Naređene istrage		Podignute optužnice		Podignute optužnice sa kriv. nalogom		Donesene presude	
	Predmeti	Lica	Predmeti	Lica	Predmeti	Lica	Predmeti	Lica	Predmeti	Lica
<i>Ukupno</i>	16463	22832	11683	15559	10476	13522	3817	4457	11138	14246




**STANJE KRIMINALITETA U OKRUŽNIM TUŽILAŠTVIMA REPUBLIKE SRPSKE ZA 2013. GODINU**

REPUBLIKA SRPSKA	Zaprimljene prijave		Naređene istrage		Podignute optužnice		Podignute optužnice sa kriv. nalogom		Donesene presude	
	Predmeti	Lica	Predmeti	Lica	Predmeti	Lica	Predmeti	Lica	Predmeti	Lica
<i>Ukupno</i>	12003	17191	7973	11427	5313	6998	1950	2191	4610	5775



**STANJE KRIMINALITETA U JAVNOM TUŽILAŠTVU BRČKO DISTRIKTA  
ZA 2013. GODINU**

BRČKO DISTRIKT	Zaprimljene prijave		Naređene istrage		Podignute optužnice		Podignute optužnice sa kriv. nalogom		Donesene presude	
	Predmeti	Lica	Predmeti	Lica	Predmeti	Lica	Predmeti	Lica	Predmeti	Lica
<i>Ukupno</i>	323	480	366	483	427	552	141	154	336	437



**STANJE KRIMINALITETA U SVIM TUŽILAŠTVIMA U BOSNI I HERCEGOVINI,  
POREĐENJE 2008-2009-2010-2011-2012-2013**

	<i>Zaprimljene prijave</i>	<i>Naređene istrage</i>	<i>Podignute optužnice</i>	<i>Podignute optužnice sa kriv. nalogom</i>	<i>Presude</i>
2008	33410	28183	21130	9484	18418
2009	32682	25185	16188	8226	19303
2010	39348	24664	19991	7523	18714
2011	42003	27805	19410	6438	16065
2012	40377	27261	21233	7473	20426
2013	43397	28516	21541	6810	20711

